

C40  
4514  
(242)



序

法蘊禪師由同安來寓本之天寧  
梓其先人額大師語錄其門人等  
益梓師之語錄以行詢其由則吾友  
斗所余翁之遺教之予昔與余分同



C40-4514



B 64853

帝江藩旆朝夕一載余公時奉準  
提甚虔別後遇師以宗乘相發明  
遂予參究方其興復曰安道場  
於茅莽中獨力始終勞憊多少  
阻至於自剋去期公門坐脫世都言

余公之有成一師不為功嗟乎予  
寬余公久矣之不可復見之師如見  
余公焉喜可知也師法得之一顯大  
師顯師得之一憨山大師憨山大師在  
故明萬曆時一與一蓮池二師為

海內三大老歿而月身留南華其  
祖而七錢牧齋先生刻其全錄識  
者謂為壇徑之流亞焉譚掃菴  
先生為著以敘年譜中間自述平生  
工苦真切有味能使讀者嘆興云

先入門于雲谷後取証于吳巖遂為  
修濟中之傑出每十年以來知不多  
之衆莫不曰稱尊予之嚮生久  
常心詩有我欲拜師為弟子愧  
於生日未相逢之句蓋恨生為友慙

山大師不獲一見。茲見師如見憨山  
大師焉。喜又可知也。頃者予常性  
還天寧。獲與師周旋。談余公事。景  
恚。又嘗感未學。以淺妄。以必慙。山大師  
為。後談悟者。不昧于修。証之理。

師寔心許之。今觀師行履之真純  
多古德風。大機大用。普利人天。知為  
有本。古云。道不虛行。又云。名不貴  
苟而立。師誅其人。信道之。此以逃名  
我追斯不棄矣。古語錄梓成。

属于一言弁首予自慚淺末無測  
高深將茲揄揚萬一自見其不知  
量若以素切哲人之柔適遇慙山  
大师為師前近深良友之懷又  
得斗以余公為師後予潦倒俗

塵久棄廢門外謬以無稽不文  
之詞竊附吾間是以幸焉矣

康熙丙辰七月七日就李王庭題



360 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

五

法苑珠林卷第...

五

序  
原夫妙明覺性雖自圓成苟非其人道不  
孤立是以拈花微笑世尊指示於西陲立  
雪安心達祖提撕於東土嗣後六傳分派  
五葉蔚興濟洞二宗揚鑣並轡般若門中  
之龍象却車而載交臂而行烝烝皇皇於  
茲為盛然而萬語千言橫說豎說祇以發  
明一大事因緣而已世人妄業招引非獷

序

原夫妙明覺性雖自圓成苟非其人道不  
孤立是以拈花微笑世尊指示於西陲立  
雪安心達祖提撕於東土嗣後六傳分派  
五葉蔚興濟洞二宗揚鑣並轡般若門中  
之龍象却車而載交臂而行烝烝皇皇於  
茲為盛然而萬語千言橫說豎說祇以發  
明一大事因緣而已世人妄業招引非獷

法苑珠林卷第...

悍難馴卽萎蕤不振一則罔具信心一則  
罕有慧力波翻雲靡散亂昏沉生死海中  
頭出頭沒覓筏無門良可淡憫自非佩法  
王之雄符秉金剛之寶劍眼橫霞電氣薄  
風雷孰能揀砂金而就冶別砮玉以登堂  
教育後昆紹佛慧命也哉古來尊宿無俟  
縷陳維昔笑巖大師門庭高峻少所許可  
憨山老人荷笠瞻禮師問從何處來答曰

南方來師問記得來時路否答曰一過便  
休師曰子甚來路分明善自護持機緣相  
對授受親切法乳再傳有韻愚大師克紹  
家風卓然尊宿嗣有法老和尚峭岫挺生  
受佛遺囑乘願而來參學於江楚吳越之  
間驀然有得住靜於歐阜匡廬出世於豫  
章北地作獅子吼覺諸有情繼臨濟三十  
一世望初祖四十傳道德崇巍於法自

在 先君子篤信佛乘銳志淡入現宰官  
身不廢叅討歷任江右藩司簿書填委旬  
宣拮据之餘於本分消息殫力精求一晤  
師顏攄誠翹仰同安佛刹奕奕中興永泐  
貞珉具可考而知也師據寶華王座捺縱  
自由爐錘所成指不勝屈前往越山龍門  
後住都城清化一條柳粟隨地舉揚四席  
風猷儼然未散可謂作人天之眼目度末

世之津梁振古軼今光前耀後者矣三瀛  
燥髮翹瞻長依道範幸承 先澤優游苕  
署而師以重刻顓和尚語錄之故往來武  
林嘉禾雪川邗水之際時獲親近每念  
先君子音容云逝將及十年緬昔良晨問  
道淡夜咨疑舉公案以勘諳訛侍巾鉢而  
聆棒喝儼色笑之相關或翰墨之互答一  
彈指間遂成隔世爲人子者寧禁涕泗之

沾裳乎師四會語錄今亦告成命瀛一言  
弁茲全集瀛無坡公天覺之才自顧荒僊  
理當遜避以俟弘通但思瓊笈珠函初經  
結集法寶大成入天讚歎使先君子而  
在必當合十獻頌相視不逆附以不朽矧  
小子瀛安敢自外於是援颯穎滋諭麋焚  
瓣香而敘其梗槩焉述先志也

肯

大清康熙拾伍年歲在丙辰佛誕日法門弟

子三韓余三瀛盥手敬撰於茗溪  
公署



960 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法聖印禪師語錄

公保

予三韓余三藏監于法界公保

大德惠然命出平爐亦丙氣將焉日去河

法聖印禪師語錄目錄

卷第一

序

同安上堂

晚叅

卷第二

同安上堂

卷第三

龍門上堂

越山陞座

支那

法聖印禪師語錄目次

卷第四

清化上堂

晚叅

卷第五

小叅

普說

示眾

茶話

卷第六

法語

卷第七

勘驗機緣

叅見機緣

卷第八

書

啓

卷第九

真讚

自讚

卷第十

頌古

偈

詩

卷第十一

佛事

卷第十二

募疏

雜著

目錄

終

法聖印禪師語錄卷第一

嗣法門人性圓旋璣旋哲旋賢等編次

住江西南康府建昌縣鳳棲山同安禪寺語錄

師於壬寅冬十一月初四日入院

山門舊基者是二十五代老古錐建立底解脫門今

日山僧到來為甚却成荒址以拄杖劃云無門為法

門全身須撥入

觀音殿喚作古佛却是觀音喚作觀音却又古佛

且道畢竟喚作什麼遂大拜

韋馱既是護法善神因甚手握寶杵胸例軒轅顧左

右云禮防君子

伽藍者片荒草非你赤心片片爭有今朝山僧也不  
敢辜負遂燒香

祖堂不必攢眉特來與你伸屈

方丈據座此室諸祖抽釘拔楔之處我不作此條段  
何則不見道我欲仁斯仁至矣

卽日上堂師至座前拈疏召衆云會麼此是黃面老  
漢末後一則不了底公案落在諸大護法筆尖頭上  
珠回玉轉今日特向同安院裏要山僧據款結案只  
得人天衆前露布去也以疏遞再煩宣過宣畢師指

法座云寶華王座孰敢先登任是出格英靈不敢正  
眼覷著其中有不甘者麼一喝便陞拈香云此一瓣  
香端爲祝延

當今皇帝萬歲萬歲萬萬歲恭願德媿義黃道高堯舜  
此瓣香奉爲滿朝文武闔國公卿爲霖爲雨業等伊  
周此香奉爲省郡尊官本邑縣主及護法縉紳士庶  
等爵位高遷法門城壑此香奉爲舊住請主諸山耆  
德等伏願秉金剛之正智立堅固之願心大家扶起  
破砂盆同證無生等法忍此一瓣香明月堂夜半傳  
來紫竹林日午揭出三十年函藏蠱毒兩三番徹骨

冰霜端爲雲居堂上傳臨濟正宗第三十世傘居先  
師顓愚大和尚用酬法乳斂衣敷座上首白椎云法  
筵龍象衆當觀第一義師喝云早是第二義了也畢  
竟如何是第一義莫是山僧未出龍門是第一義耶  
還是同安上堂爲第一義耶兩途不涉中道絕攀衆  
中莫有善觀者麼龍門首座問千年祖席今日重興  
正令高提如何話會師云獅子碧天吞杲日象王綠  
水嗽清風進云恁麼則師象今朝關不住東風吹起  
老龍來師云吸盡西江一滴水進云一滴乾枯金出  
井吐灑秋蟾映玉池師云倒拈無孔笛吹出鳳遊雲

進云若然則師兒歸窟去也師云一任踔跳問千山  
迴迴萬水滔滔二九程途卽不問入門一句事如何  
師便打進云黃檗也恁麼和尚也恁麼且道還有同  
別也無師打云黃尚書李僕射進云恁麼則一派寒  
風回萬壑同安祖席又重新師云讚嘆有分問萬法  
本閒爲人自闢如何是自闢句師云瞽目進東城進  
云二十五代老古錐到來又如何接待師隨聲打云  
以此接待進云棒下無生忍臨機不讓師師復打云  
也是第二頭僧喝師云再喝看僧作禮師云一場鈍  
置乃以拂子一拂云寶鏡當軒十方普照輝天燦地

撰述  
注釋曰福前詞金卷一  
耀古騰今者段境界猶是金鎖玄關尚未是衲僧作  
略且作麼生是衲僧作略驀拈拄杖卓云直教天下  
一個個頭破腦裂去汝諸人作麼生會若緇素得出  
始許同沐皇風齊沾佛日苟或未然行人盡處是青  
山青山更在行人外良久復云山僧道荒德薄智淺  
行疎只宜雲壑栖耕不堪利生接物茲因同安祖席  
虛廢已久本邑僧會雲曇老宿深憐此地振卓無由  
幸大護法昆湖廖翁任本府司理奉 旨恢復翁有  
詩云夜半驚回香界夢今朝還我古同安之句後曇  
公西逝復祝乃徒中公謹同合邑紳衿及諸山耆宿

於越山崑請山僧主持此席爾時乃命監院眉劍獨  
力撐持將經十載今幸法堂輝煌草萊頗闢又承合  
省本邑及諸山等重申前請山僧事不獲已祇得應  
個時節且道時節又作麼生應遂舉當山常察禪師  
僧問如何是鳳棲家風常云鳳棲無家風僧云既是  
鳳棲因甚無家風師云不迎賓不待客僧云恁麼則  
四海參尋當爲何事師云盤釘自有傍人施師拈云  
者老漢雖然擔子度人爭免隨身滯貨山僧則不然  
設有問如何是鳳棲家風向他道迎賓待客因甚如  
此豈不聞雲板響時歸舊座大家齊口嚼新羹結座

云諦觀法王法法王法如是下座

卽日晚叅師云古人建叢林立宗旨皆有人承禱今日山僧濫膺斯席舉揚宗乘且道甚麼人承禱衆中有知音者麼衆無出復云一衆吝慈山僧只得自拈自弄來來由我好安排去去去無伊蹤跡處也不來也不去綠水常穿澗底流碧雲時在青山住一拂云會麼金井玉池碧眼開佛頭峰髻圓音布一擊便行

上堂僧問曹洞祖席臨濟重興正令全提如何舉唱師打云一棒掀翻老古錐進云恁麼則有水皆含月無山不帶雲師云非汝境界僧一喝便行師云用喝作麼一僧出一喝師云未曾垂釣餌先來弄尾鉞進云一喝卽不問如何是第一句師云道甚麼如何是第二句師云道過了也如何是第三句師云者裏用不著僧云直下分明師云投子道底問銅頭鐵額爐鞴重開棒喝交馳如何煅煉師云早已一身紅進云把住則黃金失色放行則瓦礫生光還把住是放行是師云兩頭坐斷進云臨濟初叅黃蘗三度喫棒因甚到大愚脇下還拳且道得大愚力黃蘗力師云一任卜度乃云把住放行已是撒土揚沙受棒還拳未

免腔板鼓弄直饒三句齊收依然跳不出斗說什麼  
人境俱奪棒喝交馳會得者話始許道有水皆含月  
無山不帶雲如不會却向第二番葛藤去也復豎杖  
云見麼一卓云聞麼聞非耳聞見非眼見眼見則瞎  
耳聞則聾恁麼會去方可號令人天提持佛祖并知  
腸下還拳三度契棒能收虎尾亦踞虎頭正好佛頭  
峰上任往任還太子嶺頭直上直下始不負今日古  
音上座領闔省檀那入山設齋請揚此事諸仁者此  
事作麼生舉甞復卓云待別有消息時却向伊吐露  
喝一喝下座

設兩序上堂龍吟霧起虎嘯風生師子盤旋象王起  
步今日安名定位建立法幢以五須彌爲衆頭首將  
七金山作諸列職以至日月星辰森羅萬象爲雲水  
禪流廬阜雲居南嶽普陀提漿運水到恁麼地方能  
如天普蓋似地普擎何憂乎法道不揚何懼乎宗猷  
不振諸仁者且道甚麼人便能若是舉手顧左右云  
孤掌不浪鳴下座

儲將承山王居士生日請上堂問雪覆千山瓊瑤滿  
地瑞景重重卽不問慶生一句請師宣師云曙日發  
生收地雪萬林仍是舊時容進云慶中境色如何師

法苑珠林卷第一  
五  
云珠簾捲夜雨畫棟映朝雲進云祇如無生一句又  
作麼生師云昨夜眉毛拖地白明朝依舊接天青進  
云與麼則情與無情一齊慶讚去也師云且喜上座  
證明乃舉云有物先天地無形本寂寥能爲萬象主  
不逐四時凋古人與麼道忒煞太露筋骨雖然如是  
且王居士慶祝一句作麼生道以杖一劃云龜浮綠  
野連雲出鶴過秦關帶雪來下座

本里衆檀請上堂問五葉流芳卽不問如何是臨濟  
四喝師云著一問將來如何是一喝如金剛王寶劍  
師打云未出匣時光已露如何是一喝如踞地師子

師打云石人心膽也須寒如何是一喝如探竿影草  
師打云莫道屈棒有人喫如何是一喝不作一喝用  
師打云纔涉古今便不中進云四喝已蒙師指示今  
日陞堂事若何師云紅日正當午端的照無私僧作  
禮云如是則千峰齊下拜萬派盡朝宗師云瞻之仰  
之乃云千年祖席今日重興時節旣彰莫當容易二  
十五代之祖庭脈運幾灰千百餘載之法幢桑田幾  
變乃得沒量大人回棘荆而成瓊樓玉殿轉草萊而  
爲紫壁金沙至使海內衲僧續佛慧命十方檀信頓  
悟已靈赫赫光明廓周沙界如是則兩輪莫勝周遍

莫遮在始在終凝然一道始可於同安扶豎宗風中  
與祖道還委悉麼一卓云三教聖人同一轍薦取當  
陽未發機下座

沙彌戒請上堂僧問撥草瞻風卽不問鳳棲陞座事  
如何師云站立分明進云祇如戒定雙彰如何是沙  
彌得力處師云今日袈裟打濕角如何是比丘轉身  
處師云明朝依舊下西川如何是菩薩親切處師云  
托鉢出雲堂不是進云恁麼則龍門夜展千山兩鳳  
棲日掛萬里天師云聞言語乃云腦蓋重著楔未許  
絕背面通身慶快去也須重判斷因甚如斯只爲諸

人從無始劫來被者條黑漆索子縛住脚跟不得自  
由以杖一卓云若向者裏體薦八萬法門一時頓證  
三壇大戒彈指圓成方識山僧袈裟打溼角依舊下  
西川如或不爾縱使有得力轉身親切處若要通身  
慶快也是鄭州出曹門一喝下座

比丘戒請上堂問弘宗演教接物利生大闡毘尼卽  
不問重新一句事如何師云東山呈曙色萬壑悉光  
輝進云光輝且置祇如向上事如何指示師云高著  
眼進云雲捲千峰碧溪流萬派清去也師咄莫亂走  
問龍吟虎嘯風雲會鳳翥鸞翔日月高龍虎鳳鸞卽

不問浮山九帶請師宣師云草本漫勞拈出進云如何是佛法眼帶師云萬里晴空雲影盡千江平淡截波流如何是佛法藏帶師云塵塵不立全機露法皆空一鏡收如何是事貫帶師云街前補衲連雲繡擔水溪頭帶月歸如何是理貫帶師云自古弟者可爲長從來孝子覆命名如何是理事縱橫帶師云蜂採上陽花到室蝶翻幽徑草歸籬如何是屈曲垂帶師云塗炭不穿牙珮服歸鄉且著破爛衫如何是妙叶兼帶師云聞樂相忘三月味始知垂釣在深潭如何是金鍼雙鎖帶師云李白桃紅關不住逍遙上

苑展眉歡如何是平懷常實帶師云一片白雲起谷口數聲黃鳥帶泉飛乃云今朝爲說比丘戒請我先陞曲录牀聊爲諸人通一線浮山九帶快承當如或未然欲行千里一步爲初向下文長且聽三師七證分付一喝下座

菩薩戒請上堂問昔日丹霞聞受戒爲什麼掩耳而出師云美食不中飽人食進云律中道手推比丘者波夷提德山因什麼見僧便棒師云赤心片片進云嫌罵比丘者波夷提臨濟因什麼見僧便喝師云片片赤心進云清淨比丘不踏生草南泉因什麼斬猫

師云汝向何處見王老師乃云經中道衆生受佛戒  
卽入諸佛位位同大覺已真實諸佛子雖然如是只  
能入佛未能入魔何則殊不知衆生未受佛戒亦入  
諸佛位所以臨濟德山一任喚作波夷提丹霞南泉  
何常不是清淨行會得此意則不負靈機禪人敦請  
舉揚此事其或不爾別作商量去也遂舉中邑洪恩  
禪師因仰山謝戒次恩於禪床上拍手云鳴耶鳴耶  
仰乃從東過西從西過東向中間立定然後謝戒恩  
云什麼處得此三昧仰云於曹溪印子脫來恩云汝  
道曹溪用此三昧接什麼人仰云接一宿覺仰復問

恩云和尚在什麼處得此三昧恩云我於馬大師處  
得來師云者兩個老漢敗缺也不少假如今日有人  
問山僧在什麼處得此三昧便與他劈脊一棒云不  
從曹溪得亦非馬師來喝一喝下座

當陽聖生陳居士誕日請上堂當陽無量壽無成亦  
無壞堅固金剛體無生亦無滅諸仁者祇如無生滅  
無成壞底是個甚麼拈拄杖云莫是者個麼且喜沒  
交涉旣不是者個畢竟喚什麼作無生無滅彌天匝  
地堂堂露慶祝華封個壽山擊禪牀下座  
結制上堂問大開鑪鞞煅煉聖凡且道本分衲僧到

來作麼生煅師云你不是本分底進云鉗鎚佛祖必  
須作家如何是作家師云殺人不自眼進云恁麼則  
不動干戈定太平師云看腳下僧一喝師云灼然問  
祖令當行卽不問作家相見事如何師打云伯牙與  
子期不是閒相識乃云諸方十月十五結同安却比  
諸方別試問其中事若何因緣相值此時節時節且  
置祇如今日開爐明甚麼邊事良久云滿爐添炭猶  
嫌冷路上行人空守寒參

元旦上堂旭日輝輝春風拂拂乃國運之增新山雲  
靄靄野鶴眠眠正鳳棲之添瑞值此時節峰頭峰尾  
列爲普賢法門山北山南渝作觀音境界不許天下  
英俊說舊說新豈容現前清衆論今論古驀拈杖云  
惟有者個木上座不涉一義不侵舊新復卓云向者  
裏領略得去可以同享太平祝延聖壽若領略不得  
山僧一人慶祝去也遂起身云一片皇風扇宇宙斬  
新日月照乾坤一喝下座

解制上堂問今日解制卽不問應時值節事如何師  
云三更穿市過走馬出紗籠進云若不同床睡焉知  
被底穿師云脚跟下好與三十問栢樹庭前譚妙法  
虛空撫掌笑吟吟撫掌卽不問如何是庭前譚妙法

師云石人暗點頭進云恁麼則荆棘林中展手眼紅塵堆裏定乾坤師打云試展手眼看進云高懸祖印空王國放去收來任縱橫師云也是德山羅漢進云獅子吼時芳艸綠象王行處落花紅師打云閒言語乃云同安今日解制且喜燈王出世驀然觸破紗籠笑煞街頭李四前途有問如何切莫當陽辜負一卓下座

方伯斗所余公太護法上佛殿樅請上堂問建法幢立宗旨祇如佛未出世祖未西來還有宗旨也無師打云者是什麼所在說有說無進云如何是臨濟宗師打云一棒一條痕如何是雲門宗師打云無你奏泊處如何是曹洞宗師打云忌諱個甚麼如何是潯仰宗師打云你跳得出麼如何是法眼宗師打云者裏盡也未僧云五家宗旨蒙師指更有一問請師端的師打云疑則別叅問法席初啓寶殿重開斬新條令卽不問向上宗乘事若何師云脚跟下好與三十棒僧喝師云落在甚麼處進云萬古碧潭空界月再三撈捩始應知師云元來僧作禮云大眾分明記取師云瞎問慈雲徧覆三千界法雨均沾大地人應時值節請師速道師云龍飛千嶂碧鳳舞萬山高進云

卽今宰官臨筵凡聖駢集和尚如何施設師云巍巍寶殿聳霄漢歷歷光明遍刹塵問舉目盡皆彌勒閣脚下無非古道場如何是敷揚句師云彈指頓超空劫外扶起當年舊刹竿進云恁麼則宗開柳巷法振滹沱去也師云但願春風齊著力一時吹入我門來乃云鳳棲山壁立萬仞佛頭峰透徹雲端師子盤旋象王蹴蹋若是沒量大人自然全身擔荷別立生涯其或眼目動定不惟不能攀仰要且望喏而退還知麼遂舉書云者是方伯余公見道的消息今日特向人天衆前分明舉出舉畢山僧亦有個頌子爲伊證

據掀翻華嶽忘機處劈破長空月一簾無限情塵都不見喜君贏得舊山川一喝下座

方伯余公爲夫人張氏生辰請上堂問答不錄師乃云須彌高兮壽量滄海濶兮福祥日月照臨兮爲祝天地覆載兮悠長一喝云若不喝住打葛藤無有了日在復拈拄杖云祇如者個還具壽量耶殊不知豎窮三際橫徧十方亘古亘今凝然湛寂且不落功勳一句作麼生道紫微閣畔舒千臂南極峰前照九垓下座

佛成道上堂六載雪山勤苦行無端夜半覩明星眼

撰述  
法苑珠林卷一  
三  
中早已重添屑殃及兒孫事莫論諸仁者於此會得  
則不辜負東昇禪人設齋圓戒帙請山僧舉揚個事  
者個且置祇如釋迦老子夜觀明星悟個什麼若定  
當得出方許了明向上宗乘頓證金剛心地其或未  
然只得向諸人道破遂以杖擊案云甜瓜徹蒂甜苦  
瓠連根苦一喝下座

洪州元戎海山張居士生日請上堂問師登寶座法  
兩均沾正令全提如何判斷師打云你試定當看進  
云此意且置祇如高峰四句請師垂示師云我者裏  
一句也無如何是大地無草師云白雲橫嶺上如何

是大海無魚師云明月浸波心如何是大富無糧師  
云富嫌千口少如何是大悟無道師云貧恨一身多  
進云恁麼則情與無情一齊慶生去也師云且喜闍  
黎道著乃云日輪正當午虛空絕點塵山河及大地  
全露法王身驀拈杖云露堂堂明歷歷脫體無依赤  
條條光湛湛圓融無礙頓教入泥不點塵入水不動  
波七縱八橫拋三擲四到恁麼時盡大地是個大解  
脫場徧虛空是個無量壽故云佛身充滿於法界普  
現一切群生前隨緣赴感靡不周而恒處此菩提座  
所以道有時疋馬單刀現將軍身而說將軍法有時

霞冠素服賑濟群靈而歸心大道以致隨處卽主遇  
緣卽賓坐斷千差路超出四威儀何假鶴舞起清風  
錦雲鋪杲日雖然如是且當機一句作麼生道無位  
真人高迥迥何山松栢不青青下座

上堂問今朝制期又兼演戒祇如禪戒兩忘的衲僧  
到來和尚如何接待師隨聲打云無你插足處進云  
如何是五家宗旨師打云者個便是如何是臨濟宗  
師云青天喫棒血流紅如何是雲門宗師云眉毛瞎  
却不通風如何是曹洞宗師云夜半烏雞雪上封如  
何是滄仰宗師云凡情聖解不留蹤如何是法眼宗

師云六相團圓數莫窮僧喝云禮拜去也師打云再  
犯不容乃云宗師家掌握靈符道眼清正方許南面  
高坐與大地人抽釘拔楔有時千尋巖下嘯月吟風  
有時萬頃波中跨龍釣鱷花街柳巷哩囉囉林下  
水邊寥寥寂寂屋後松梢帶雪皆爲古佛家風庭前  
梅蘂含霜盡合祖師密意者裏見得一任橫拈倒用  
說是說非方可道不言而信不怒而威搜翻白拈窠  
穴剪斷從上根枝苟或未諳須向同安手裏討個著  
落始得只如今日幻容禪人母難之日特請山僧陞  
座設齋求戒以酬罔極之恩且道爲伊作何條段遂

一拂云三壇次第演伽陀萬別千差齊坐斷下座  
臘八日覺宗禪人圓戒請上堂乃云諸佛涅槃心甚  
淡無倫匹衆生業垢重難解亦難入且道甚麼處是  
難解入底良由五欲淡沉三毒纏繞勞他沒量大人  
手指天地作大師子吼云天上天下唯我獨尊及乎  
雪山六載夜觀明星已是第二杓惡水沒頭潑了以  
至四十九年葛藤縷縷又道無法可說豈非靈龜曳  
尾末後拈一枝花惹得飲光展笑始暢胸懷可謂大  
人具大見大智得大用設使說遍無邊香水海廣開  
重重彌勒閣檢點將來猶未是衲僧極則事且因齋

慶讚圓滿毘尼一句作麼生道三千次第重饒舌八  
萬行持彈指圓一喝下座

元旦上堂拈香祝聖畢師豎拂云靈山付囑兒孫事  
今日元辰復舉揚微笑拈花端的旨相承少室繼聯  
芳且喜融風颭颭溥天布化育之休更逢麗日輝輝  
大地沐太平之兆者裏會得方許斬新日月特地乾  
坤祝皇風于北闕迎瑞彩于南宸一人有慶法社賴  
之衆中還有知得時節因緣底麼良久云楚庵西堂  
遍歷諸芳草鞵跟斷無端撞入同安不覺掀翻寶惜  
山僧固以祖父家業兩手分付遂授衣云展開雞足

峰前路化浹娑婆徧地香楚云自愧樗才爲紹續蒙  
師徹骨老婆心師云正好撐天拄地進云恁麼則人  
歸大國方尊貴水到瀟湘一樣清師云珍重下座  
懺華嚴經鄧應塘居士請上堂問善財五十三叅末  
後于彌勒樓閣彈指卽開且道如何是彈指意師云  
舍靈猶有分越格莫能求進云祇如百千萬億彌勒  
百千萬億善財那個是真底師云那個不是真底進  
云文殊與雲普賢布雨如何是智行雙圓句師云道  
著了僧作禮師打云也須喫棒始得乃以拄杖打○  
相云如來淡境界其量等虛空一切衆生入而實無

所入所以道三千刹土八萬微塵於一塵中現出千  
丈盧舍那身萬德莊嚴圓融行布根塵迥絕理事雙  
彰道無卽有道有卽無掃除凡見不立纖塵以杖左  
右卓云復從者裏湧出無量菩薩僧伽無量大悲苾  
芻無量金剛天等無量八部龍神左右盤繞而爲華  
嚴海會一擊云你諸人還聞麼又以杖打⊕相云又  
從者裏湧出無量彩蓋雲無量瓔珞雲無量光明雲  
無量音樂雲無量主山神無量草木神重重密護行  
智齊彰而爲華藏莊嚴你諸人還見麼若也聞見精  
明則有情無情證等無異到恁麼時山僧向者裏還

讚揚得麼直得義天性海似帝網而交羅智照神光  
如洪爐之猛燄今朝省邑護法居士等爲諸人發上  
上機助宣妙行且道以何爲驗彈指圓成八萬門刹  
那滅却三祇劫下座

解制上堂問九旬禁足三月安居安居卽不問今朝  
解制事如何師云龍吟夜月洪波秀虎嘯風生碧漢  
空進云不是春風回萬象何能夜月照三陽師云汝  
作麼生進云師子吼時芳草綠象王行處落花紅師  
云且過一邊乃云今朝十五元宵節正值同安解制  
辰試問諸人已躬事其中那個是知音龍蛇穴裏藏

身凡聖途中著見未能出格超群及至七花八裂只  
得挽回火樹撥轉燈城把住放行全體獨露還委悉  
麼遂豎拂云春風一段枝頭洩無古無今晝夜明一  
喝下座

方伯斗所余公大護法爲拈花文佛暨諸賢聖等開  
光請上堂拈香畢祖庭千古復興隆殿閣渾如靈鷲  
宮座下水雲獅與象有誰微笑破羅籠還有承當者  
麼問昔年鷲嶺拈花迦葉微笑今日同安舉唱未審  
是同是別師云綠水時旋師子渡紅輪正照佛頭峰  
進云恁麼則山河大地齊瞻仰明暗色空古佛心師

云實相圓明千里外鳳山獨露萬重雲進云祇如方  
伯余翁報國酬恩一句請師速道師云同安古剎重  
新建四海禪流共祝釐乃豎杖云釋迦老子在山僧  
拄杖頭上堂堂獨露被諸人逼得三百六十骨節八  
萬四千毛竅盡皆紫金光聚復於青蓮花目放大寶  
光爍破四天下照耀恒沙國土萬億諸佛萬億菩薩  
萬億聖衆萬億寶蓋各各俱承此力與釋迦老子帝  
網交羅鏡光相照圓明妙體共證真常情與無情正  
等無異汝諸人還見麼設若見得則知者段光明在  
聖不增在凡不減世尊得之照天照地法古騰今菩

薩得之願力宏淡悲智廣大羅漢得之神通莫測妙  
用難量祖師得之掀翻窠臼喝破太虛諸人得之喫  
飯穿衣操持日用卽今方伯得之政化西江運籌帷  
幄且道山僧得之畢竟如何以杖一卓云竿木隨身  
逢場作戲越山頂頭擒天攫月龍門殿上鼓浪興波  
同安榛蕪叢中現出瓊樓玉殿演唱無腔曲調扳除  
腦後塵釘圓成千古奇緣俾後瞻依不朽讚揚且置  
祇如今日方伯余公爲佛開光一句作麼生道遂舉  
筆點云坐斷十方光始現大家仰祝聖皇恩下座  
結制上堂問涅槃無路生歎無門且道工夫從甚處

入師打云無你咬嚼處進云某甲不會師打云不會却相應乃舉雪峰和尚云三世諸佛向火餓上轉大法輪雲門云火焰爲三世諸佛說法三世諸佛立地聽應庵老祖云三世諸佛爲火餓說法火焰燒煞三世諸佛師拈云者三個老漢各立邊疆赤心片片點檢將來不妨奇特汝諸人會麼會得雪峰句眼光爍破四天下會得雲門句舌裏有骨會得應庵句天下和平萬國叶慶不須搥鼓上堂開爐結制若透未得直待來年十五爲諸人別通消息一喝下座臘八上堂問祖庭復振四衆雲臻豎拂拈椎卽不問

夜覩明星事若何師云豁開眉上眼射破海中天進云菩薩戒猶護生草爲甚南泉斬猫歸宗斬蛇師云速禮懺悔進云今朝和尚陞座且道說何法師云無法可說進云恁麼則虛設了也師云若虛設卽有法也乃云吾佛當年詣雪山倏爾夜覩明星發突然悟得涅槃心正眼看來總是瞎諸仁者那裏是者老漢漏逗處良久復舉昔日元叟端和尚云未到雪山脚跟下好與三十旣到雪山脚跟下好與三十夜覩明星脚跟下好與三十師云者老漢也須喫同安三十何故只知令行不覺殃及更有三十同安自喫何故

事因叮囑起日久見人心祇如湧輪禪人今朝圓戒  
一句作麼生道一輪湧出千山秀萬象光輝瑞色呈  
一喝下座

解制上堂同安今日有三句特爲諸人明指示且道  
是那三句以杖打○相云舊年十月十五恁麼結把  
斷要津無漏洩又以手作展勢云今年正月十五恁  
麼解潑天猛浪大張開試問九旬日中更作麼生理  
會復以拄杖打○相左右顧眎云若到諸方切莫錯  
舉擲拄杖下座

法璽印禪師語錄卷第一

法璽印禪師語錄卷第二

嗣法門人性圓旋璣旋哲旋賢等編次

住江西南康府建昌縣鳳棲山同安禪寺語錄

方伯斗所余公送藏經入山上堂問答不錄師豎拂  
子云三藏十二部一切修多羅都從山僧拂子頭上  
流出汝等諸人還信得及麼遂一擊云佛以一音演  
說法衆生隨類各得解汝諸人還聞麼直下若見若  
聞則知一大藏教闢龍宮而不從龍宮得來剖微塵  
而不假微塵流出無時不在諸人脚跟下廣布敷演  
爲玄爲奧若不恁麼山僧未免再瀝肝膽從頭告報

一拂云釋迦四十九年三百餘會說有說無說頓說漸說偏說圓乃至塵塵爾刹爾熾然說無間歇皆爲一切衆生迷失本源不能當機直捷勞他世尊多方淘汰格外周遮故曰我此九部法隨順衆生說要知起唯法起滅爲法滅豈不是心外無法法外無心至于末後拈花飲光微笑方乃申懷者裏說心說性說事說理以始終頓圓五法三自性得麼一大藏教皆是拈花之註脚耳諸仁者山僧恁麼葛藤你還知得端倪也未個裏會得亦不負余公擔荷祖庭捐金請藏之盛心也雖然如是敢問大衆作麼生是報國

酬恩一句一拂云四海衲僧開正眼共祝吾皇億萬春下座

尊勝寺寓庸中公誕辰請上堂書記問群僊昨夜離金闕鰲首今朝渡碧波七七知非卽不問五旬知命事如何師云日照山河明歷歷雲收大地寂如如進云祇如未生已前將何爲驗師云已生之後汝作麼生進云黃鶴未曾冲碧漢青牛早已出函關師云有勞讚祝問溪居祖窟陶材器法令施行豈藉誰敢問如何是衲僧行履處師豎拂子進云如何是和尚接待處師亦豎拂子進云興化道逢人則不出出則便

爲人意旨如何師云放汝三十棒進云祇如三聖道  
逢人則出出則不爲人又如何師云放汝三十棒進  
云生前面目何須悟悟得來時也是塵師打云道甚  
麼拈杖云朕毘未分前無你下口處朕毘旣分後早  
已七花八裂然圓明妙體本無去而無來法性融通  
豈有內而有外所以道日月不能並明河海不能比  
量須彌不能並峙虛空不能包藏至大而至微至剛  
而至柔縱橫左右洞徹十方窺測無門隨機卽應者  
便是寓公本命元辰主人公隨一喝云旣是窺測無  
門喚甚麼作主人公者裏還註脚得麼設使佛頭峰

鳳棲嶺管教稱揚不及若問此中會得則知日照山  
河濶角青牛常出谷雲收大地無毛黃鶴日冲霄一  
任波中取火燄裏敲冰其或未然行人更在青山外  
今公誕辰入山飯衆兼請舉揚山僧因風鼓絮爲伊  
據款結案一卓云能爲萬象主不逐四時凋一喝下  
座

開鑪上堂問諸方大開鑪鞫同安共設鉗錘今有一  
入牙如劒樹口似血盆當鑪不避和尚又作麼生師  
打云正好千錘百鍊進云雪峰拈起雲門劈脊除此  
二途請師別道師打云好事多同進云先德有言木

人結契賣虛空未審何人證據師云老僧當軒坐進  
云露柱前來寫合同又作麼生師云承當也未進云  
四至分明須記得不知何處有封疆師云照驗明白  
乃云画蛇添足劃地爲牢此是古人屈爲今時同安  
者裏要且不然直教虛空粉碎大地平沉不勞脊梁  
高豎挨拶疑團便與三世諸佛歷代祖師天下老和  
尚同一鼻孔設若不然趙州東壁挂胡蘆諸人也須  
疑著一喝下座

元旦上堂問答不錄師云普天匝地祥雲起正是山  
僧祝聖時惟願風調並雨順頓令家國樂熙怡諸兄  
弟還會麼設若會得人人叨堯舜之恩個個享無爲  
之化其或未然山僧只得八字打開去也遂起身云  
八方霹靂無爲化萬國訶謠樂太平

解制付門人松等上堂正月解制元宵節燈王法法  
明皎潔古今不改舊山川直下相承聯未歇驀拈杖  
云釋迦老子道我此法印爲欲世間利益在所遊方  
勿妄宣傳又道溪固幽遠無人能到可見溪之又溪  
秘之又秘至于果熟天香遞代承襲西天四七東土  
二三分枝列派以譌傳訛故有五家門庭之別獨我  
臨濟一宗赫赫然徧滿寰宇至笑巖寶祖得慈山清

撰述  
翁直向先師頂顛一針而殃及山僧今日不敢被蓋  
囊藏特對人天衆前轉相付授務必星分碁布草偃  
風行撐持祖父門墻宏紹正法眼藏旣然如是且五  
葉流芳一句作麼生道一卓云但願春風齊著力枝  
枝發艷吐輝煌下座

弟子機蘭開文制一爲師誕辰請上堂問一年一度  
新森羅咸稽首且道如何是慶生句師豎拂云龜毛  
拂子二千丈進云江山雖別雲月是同如何是同條  
句師云腦後見腮進云蟠桃已熟優鉢旣開且道春  
秋多少師以拂子點三下進云恁麼則崑崙突出無

量壽驚起須彌作壽山師云伶俐衲僧進云者個且  
置如何是第一句薦得爲佛祖師師以杖左卓云匝  
地溥天明歷歷朝三暮四總如如何是第二句薦  
得爲人天師師右卓云幾片白雲橫谷口一輪明月  
照波心進云第三句薦得作麼生是自救不了師從  
中一卓云情真語露不負知音乃云吼破虚空踢破  
煙巴歌會唱出西川自從一別家山後不覺今朝耳  
順年光陰瞬息倏爾蹉跎山僧與間兄同生一處出  
家一山嗣後南詢徧參天各一方且喜時節因緣略  
露者段消息設若會得神光不昧萬古徽猷不變不

遷無來無去不出今日者個時節不唯不出今日者  
個時節乃至盡未來際三世諸佛歷代祖師是聖是  
凡或僧或俗山河大地有情無情亦出不得者個時  
節若識得者時節威音無始阿逸無終事理縱橫圓  
融無礙故古德云無邊刹境自他不隔于毫端十世  
古今始終不離于當念諸仁者到恁麼地正好高  
峰頂立淡淡海底行方可道一切卽一一卽一切小  
中現大大中現小皆承今日者個時節雖然如是猶  
是建化程途邊事祇如當筵慶祝一句又作麼生一  
拂云昨朝法雨連天一今日南山松檜青下座

兩序爲方伯誕辰請上堂問法幢高聳人天外宗風  
此日大方傳如何是傳底意旨師云峰前豎起刹竿  
子直得青天翠欲流進云恁麼則誌公當年輕漏泄  
今朝一衆發真源師云且道什麼人恩力進云卽今  
方伯公壽誕和尚作麼生慶祝師云南山梧桐棲彩  
鳳東海青波現巨鯨進云可謂福海與佛海同深壽  
山等華山並峻去也師云一輪本自光寰宇萬里誦  
誦道太平僧禮拜師乃云本月十四值方伯余公懸  
弧之旦山僧親領禪衆于大雄寶殿熏禮梁皇法戲  
本院兩序忖思祖庭湮沒人物重興特請山僧陞座

舉揚大法預祝遐齡報難報之恩酬難酬之德諸仁者且道大法作麼生舉聲豎拂子云有物先天地遂擲下無形本寂寥能爲萬象主喝不逐四時凋甚麼物豈不知心同虛空界示等虛空法證得虛空時無是無非法旣無是亦無非以虛空爲正體以恒沙國土爲妙用以須彌山爲壽山以四大海爲福海恁麼讚揚未是余公真實之地而能萬機不暇千聖不到斬斷無始葛藤掀翻空劫露布又能護國祐民作大佛事者便是伊真實受用處旣然如此將什麼作預祝一句還會麼指日風雲騰瑞彩長年福壽沐皇恩

下座

結制上堂師云大啓紅爐烹佛祖鉗錘妙密聖凡無直饒鈍鐵重加煅藻鑑分明握用殊若恁麼猶是堦下鈍漢堪作甚麼除是英俊禪流一聞舉揚便掉臂而去良久復舉黃龍南禪師住同安云撞鐘鐘鳴擊鼓鼓響大衆殷勤問訊同安端然合掌者是世法那個是佛法咄師云黃龍老漢一代宗匠猶將世佛法打作兩橛今日同安則不然撞鐘鐘鳴擊鼓鼓響大衆殷勤問訊同安端然合掌以拂子一擊云世佛法都在裏許諸兄弟若向者裏會得不必三月安

居春梁高豎其或未然須向古今舉揚諳譌處緇素始得復擊下座  
解制上堂欲識佛性義當觀時節因緣時節若至其理自彰卽今時節已至衆中還有自彰者麼出來與汝證盟問師登寶座大啓法筵鐘鼓交叅如何舉唱師云紅輪涌出千峰翠瑞氣衝開大地春進云解制一句卽不問三玄三要請師宣師云草本念將來如何是第一玄師云春風劫外天人眼萬象光中絕正偏如何是第二玄師云杖頭擬議穿腮過海底泥牛吼碎烟如何是第三玄師云雲散千峰冰雪盡大雄

橋下水長川如何是第一要師一卓云棒下靈機無作造如何是第二要師云千聖頂顛光晃耀如何是第三要師云一曲長歌送返照進云玄要已蒙師指示放行把住事如何師云非汝境界僧便喝師云落在甚麼處僧又喝師打云轉見不堪僧拂袖歸位師乃云去如孤雲出岫住若野鶴翹松不住不去便是衲僧行履你諸人還會麼設若會得倒騎鐵馬走長安未曾移步不恁麼會鞭起泥牛耕大地不動絲毫其或總不恁麼拄杖頭邊寬世界象王鼻孔別家風山僧只得與諸人分明道破良久復云黃面瞿曇末

後拈花全體露飲光尊者傍觀一笑逞風流致令通  
代殃及山僧今朝解制良辰元宵佳節將此佛祖源  
流分付維那知藏雖然如是且續韻聯芳羅紋結角  
一句作麼生道一卓云區區一段家常事珍重爾曹  
各自持下座

結制上堂豎拂子云當陽一著結舌亡鋒略展家私  
聊通一線問擊鼓陞堂無別事請師直說了無生師  
云劫前高著眼進云無生句子蒙師指今朝結制又  
如何師以拂子打○相云總在裏許進云古人道盡  
大地是個火坑向什麼處著腳師云早已焦頭爛額

僧豎拳師云者是什麼僧云萬象森羅齊稽首笑破  
虛空口不開師云三十棒親領出去僧拂袖歸位二  
僧竝出師作射勢云一箭落雙鵬僧便問和尚傳曹  
溪正宗因甚問著棒喝齊施師云認作棒喝入地獄  
如箭射進云恁麼則拄杖遼天獅子吼大展宗風此  
日聞師云鳳皇不是凡間物不種梧桐誓不棲僧禮  
拜師乃云今日同安結制不許亂走一步祇待寶鏡  
池開大地從此流泣顧左右云大鵬須展摩霄翼誰  
顧崩騰六合雲下座

解制上堂百日照禪期今朝告畢其中有赤身擔荷者

出衆相見問鐘鼓交叅法雷震地交叅卽不問如何  
是法雷震地師劈頭便打進云一棒迥超千聖外此  
心能有幾人知師震聲一喝僧云一句無私語千古  
共敷揚便禮拜師乃云當陽獨露迥別千差坐斷情  
塵不容凡聖淨裸裸赤灑灑如月白風清峭巖巖孤  
迥迥似銀山鐵壁到者裏無動無靜無賓無主無問  
無答無棒無喝無玄無要無縱無奪無古無今無凡  
無聖直教千聖莫能窺萬機莫能測縱饒口劔唇鎗  
也須亡鋒結舌諸兄弟且道者裏還轉得身也未遂  
以杖一卓云關開也在我捏住也在我變大地作黃

金攪長河爲酥酪如是便有動有靜有賓有主有問  
有答有棒有喝有玄有要有縱有奪有今有古有凡  
有聖塵塵彰般若之光處處露法身全體一任東湧  
西沒南沒北湧不動道場徧周沙界有如是作用方  
可以五須彌收歸芥子向一塵內轉大法輪一爲無  
量無量爲一放去收來自由自在到恁麼時正好接  
物利生擔荷祖道其或未諳莫怪山僧壓良爲賤去  
也良久復舉龐居士偈云十方同聚會個個學無爲  
此是選佛場心空及第歸古人恁麼話也是賣水江  
頭眼中著屑同安今日與他下個註脚十方同聚會

撰述  
卷之二  
山枯水竭個個學無爲鉢孟安柄此是選佛場猶有  
者個在心空及第歸雪上加霜諸兄弟還會麼若會  
得此四轉語不惟與古人同轍亦可與諸祖聯風衆  
中有善鑒者麼如無山僧自拈自弄去一喝下座  
上堂布縵天網慣打鳳麟垂直釣鈎撈漉鯢鯨若是  
泥鱖曲鱖徒勞上釣卽今莫有透網錦鱗試出來鼓  
浪看問祇如古人道盡大地是個禪堂又作麼生結  
師豎拂子云向者裏薦取進云金風吹玉管幾個是  
知音師云高著眼進云恁麼則聚會群龍齊縮項養  
成頭角待風雲師云蝦跳不出斗進云踢碎寒潭月

相傳祖道光師云直須親見始得問大地爲鑪須彌  
爲炭從上佛祖向甚處安身立命師云盡在裏許進  
云祇如和尚脚跟下又且如何師云突出青霄外進  
云恁麼則水到渠成全意氣個中無處不超倫師云  
放汝三十棒僧便喝師云脚跟下更要一頓在乃云  
問似雲興答如餅瀉總與諸人了沒交涉且道畢竟  
如何復舉圓悟禪師示衆云通身有眼不能見通身  
有耳不能聞通身有口不能說通身有心不能鑑通  
身則且置祇如無眼人來作麼生見無耳人來作麼  
生聞無口人來作麼生說無心人來作麼生鑑向者

撰述  
法苑珠林卷之二  
裏通得一條活路便與古佛同叅同安則不然者裏  
通得一條活路便好生按雲頭活捉谿尾剖萬象皮  
出虛空髓到恁麼地何須三月安居紅鑪煅煉正好  
與三世諸佛歷代祖師天下善知識同一鼻孔設若  
未會直須壁立萬仞假使斬頭截臂山僧亦不爲你  
諸人道破何故爲人須向損邊求一喝下座

佛成道日上堂問古今不二乾坤合理事雙融氣運  
調和尚陞堂於此日世尊悟道在今宵如何是古今  
不二句師云夜夜峰頭千片白朝朝海角一輪紅如  
何是理事雙融句師云歲寒松柏元無變春到梅花

自有香進云恁麼則雪山與鳳嶺毫無間隔去也師  
云也須高著眼始得僧便喝師云再喝看僧作禮晦  
老宿問夜半明星旨由來覆大千如何是函蓋乾坤  
句師便豎起拄杖進云二五八六張把定聖凡路如  
何是截斷衆流句師便放倒拄杖進云有水皆合月  
無山不帶雲如何是隨波逐浪句師云且喜老兄相  
隨來也進云更有一句請師拈出師云三十痛棒更  
待阿誰進云千山勢倒嶽邊止萬派聲歸海上消師  
云也須恁麼始得進云大衆證明師云露問龍披一  
縷免金翅之患且道現前具足三壇當獲何益師云

撰述  
法苑珠林卷三  
五  
盡在今朝一語傳進云傳後如何行履師云一狀領  
過進云祇如脚跟下又作麼生師一喝僧亦喝師云  
是什麼僧云大眾證明某甲禮拜去也師云胡孫入  
布袋乃云今朝釋迦老子成等正覺吾觀大地一切  
衆生皆具如來智慧德相但以妄想執著有不能證  
得師震威一喝云者老漢白日寐語若向者裏薦得  
那有道可悟有佛可成有妄想可除有衆生可度諸  
比丘等設若會得則與釋迦老子同一受用諸大善  
知識同一舉揚卽不負微道二禪人請山僧陞座圓  
頓毘尼其或未然須向三師七證疊疊爲諸人道破

一喝下座

解制開鍋衆請上堂僧出問第一義諦人天有賴去  
此二途請師端的師云一杖冲開雲頂鶴千峰個個  
點頭歡進云恁麼則橫身一步超三界裂破毘盧頂  
額門師打云正好喫棒進云也知和尚有此機要師  
打云何不領取進云無心而應無相而行徧刹海不  
動道場且道還有爲人處也無師云須是恁麼人始  
得進云四海浪平龍臥穩九天雲盡鶴飛高師云是  
誰證得進云者段家風誰不有何須挑水賣江頭師  
打云學語之流乃云今日解制又值常住開鍋若以

佛法商量不必如何若何復以手約鍋勢云三世諸佛歷代祖師四海衲僧十方雲水有情無情都向此中得其上味又於此中轉大法輪汝諸人還會麼雖然如是祇如拄杖子還有結解也無遂橫肩云柳栗橫擔吞宇宙個中端的少人知一卓下座

化士值雪歸上堂匝地普天冰雪鋪因思立雪暗嗟吁豁開少室真消息草偃風行事事如豎拂子云者個所在三世諸佛不能到歷代祖師不能覩何故祇許老胡知不許老胡會者裏鑑得破覩得真不妨向鍼鋒上走馬劔刃上翻身大地平沉出沒遊戲方許

作忤逆兒孫其或尚留觀聽背後喃喃也知你布袋裏老鷄雖活如灰到者裏畢竟如何只待雪消後自然春到來良久復舉幾和尚一日問僧禪以何爲義衆答不契後一僧理前問請代一語幾云禪以謗爲義後雪堂拈云三世諸佛是謗西天唐土是謗天下老和尚是謗諸人是謗山僧是謗衆中還有不謗者麼談玄說妙河沙數爭似雙峰謗得親師云幾師遇水安橋雪老看孔著楔雖然聲氣相符未免釘椿搖櫓若是山僧則不然禪以滿鉢爲義三世諸佛歷代祖師天下老和尚以及現前清衆無有一人不滿鉢

倘一人不滿決定馳求心不歇衆中還知落處者麼  
機慈上人前冬喫山僧一頓痛棒剃得個無底鉢盂  
直向新昌覓得個大施主爲伊設齋供衆特請山僧  
陞座爲伊證據且因齋慶贊一句作麼生道一拂云  
風流賣盡求知己始信壺中別有天下座

開文上座領善友請上堂晦之老宿問佛鳳嶺高形  
雲現瑞獅象峰稜紫霧呈祥如何是同安境師云檐  
飛錦翅棲鸞鳳進云飯餘茶罷無他思拽杖登高眺  
遠山如何是境中人師云獨坐當軒驗象龍進云大  
開鑪韜通身煉達者方知徹骨寒如何是人中句師

云歷歷聲音不是言晦一喝云如何是語中意師云  
個裏分明猶未會進云今日齋主入山請師說法且  
道以何酬謝師云普進云恁麼則大衆沾恩一齊慶  
讚去也師云且喜老兄證明晦禮拜問人天普集海  
衆臨筵出格句子請師拈出師云掀翻獅子窟棒破  
佛頭峰進云恁麼則四海皆聞塗毒鼓人天齊聽好  
圓音師云且喜闍黎念得清乃云開文大德領庵主  
無瑕尼及諸善信入山飯衆兼請舉揚大道古人云  
大道只在目前要且目前難覩若識大道真體不離  
聲色言語又道百姓日用而不知世間幾多英靈或

撰述  
法苑珠林卷之十一  
三十一  
貴或賤或男或女或僧或俗都于塵世理喪光陰虛  
拋信施頭出頭沒不能了明者何也蓋謂五欲牽纏  
家親作祟所以二六時中被他差排去了無一時一  
刻自作得主宰是爲可憐憫者山僧將此一副五臟  
撒在諸人面前還信得及麼果能信得亦不負諸善  
信遠來同沾法會其或未能更爲諸人舉一則陳爛  
葛藤以爲證據昔有一婆子住臺山路上凡僧過有  
問臺山路向什麼處去婆云驀直去僧便行婆云好  
個阿師又恁麼去也後傳至趙州州云待與勘過一  
日州亦如前問婆云驀直去州便行婆云好個阿師

又怎麼去也州歸告衆云老僧爲汝勘破了也師云  
趙州計較短婆子舌頭長明持瓦礫暗撒珠珍則不  
無撿點將來也是徐六擔板同安則不然待者婆子  
道驀直去山僧便云錯他又道好個阿師又恁麼去  
山僧亦云錯正好歸告衆云勘破了也且道與趙州  
是同是別良久云錯錯錯下座

佛成道日本邑蘘洲劉居士請上堂師至座前以拂  
子打○相者是釋迦老子觀明星一著以爲劉居士  
慶生了也汝等諸人作麼生會設若未會看取山僧  
代者老漢大轉法輪去也一喝便陞僧出問世尊觀

明星居士逢大誕子細看來早成翳帶去此二途請  
師別道師云雪山松頂千年鶴指出須彌萬壽峰進  
云恁麼則長生古栢長春茂劫外靈苗劫外馨師云  
非汝境界僧一喝師云試再一喝看僧作禮問大地  
雪消春欲去曇花已放鳳棲峰請師不恪重拈出普  
令人知最上宗師豎拄杖云會麼進云祖印高提卽  
且置全提正令事如何師和聲便打進云動轉施爲  
渾太有教學人如何履賤師云進前三步看進云謝  
師指示師云莫作假雞鳴問昔日龐公夫婦入鹿門  
設齋倒挿髻而出今朝劉居士夫婦飯衆且道是同

是別師云同則總同別則總別進云恁麼則山如仁  
者壽風若聖人心師云且喜闍黎道著乃云昨日居  
士誕辰今朝世尊悟道雖然兩科不侔要且本無做  
造驀豎拂子召大衆云你看釋迦老子在山僧拂  
子頭上建殊勝緣作奇特事全機大用觸處咸彰頓  
漸徧圓一時畢具見聞不隔覲面相呈一道清虛聖  
凡平等說甚麼妄想執著具與不具正眼觀來總未  
是我祖師門下事且道畢竟如何遂豎杖卓云者  
裏會得彌綸萬有舍吐十虛殺活縱橫權衡在手方  
可與無量壽說無量法具無量福顯無量用始許慶

快平生提持祖道汝等諸人還緇素得麼若緇素得  
出皇恩佛恩以及父母師長正與此日同成正覺其  
或觸途成滯自相矛盾莫怪山僧壓良爲賤去也拽  
拄杖下座旋風打散便歸方丈

法璽印禪師語錄卷第二

法璽印禪師語錄卷第三

嗣法門人性圓旋璣旋哲旋賢等編次

住江西南昌府靖安縣龍門山暇僧禪寺語錄

師于癸巳秋八月十二日入院

山門一喝云者道門馬大師親從出入山僧到來未  
免隨他去就雖然以拄杖一卓云驢馬馬切忌踢  
著

佛殿三卽一一卽三三一若存能所歷然以具打○  
相云彼此相見不相識

據室此乃大寂馬祖及機禪師所踞今日不肖遠孫

有甚長處喝云佛祖到來也須乞命

卽日上堂祝

聖罷次拈香云千秋埋沒今日重新十二載之繩墨滿口砒礪三四番之斲輪通身鍼蠱燕向爐中供養前住雲居歸老竹林傳臨濟正宗第三十世傘居先師顯愚大和尚用酬法乳遂斂衣就座白椎竟師云獨坐當軒誰敢單刀直入斬新條令孰能格外全提衆中有不顧危險者出衆相見請主覺真問千年祖席此日重興正令全提如何舉唱師打一棒敲開龍頂骨明珠吐出色重光進云祇如當年臨濟打克符

是同是別師云道士甕裏坐進云的旨不從人處得蓮花步步足輪生師打云魔魅不少僧禮拜師拈拄杖云昔日臨濟住河北建立黃檗宗旨便是者條柳栗於人天衆前橫拈直豎敲佛打祖山僧今日拈出觸著則性命俱喪犯著則頭腦盡裂且道利害在甚麼處一卓云寸刀不施魔膽碎望風先已豎降旗敘事畢祇如高振祖規刀斧不開一句作麼生道君臣道合玄黃位不涉階梯化日長下座

上堂欲識佛性義當觀時節因緣諸仁者作麼生是時節因緣莫是世尊拈花迦葉微笑時節因緣耶還

是達磨面壁二祖安心馬祖一喝百丈耳聾時節因緣耶臨濟喫黃檗痛棒向大愚脇下還拳時節因緣耶憨山師翁叅笑巖和尚一過便休先師于曹溪憨祖頂門一鍼時節因緣耶今朝衆居士請山僧上堂時節因緣耶旣然總非畢竟明甚麼邊事衆中有善能甄別者麼縱饒道得猶是者邊事若論那邊更那邊三世諸佛口挂壁上到者裏學子潭老人石措手不及翠屏峰說法臺縮項有分何故向摩拏不得處而能定當得出方許作忤逆兒孫設或未能只成得途路邊客且道畢竟如何黃閣簾垂關白象紫羅帳

### 合繫蒼龍下座

儲將承山居士生日請上堂問如何是空手把鋤頭師云累墜煞人如何是步行騎水牛師云離他不得如何是人從橋上過師云照管脚跟如何是橋流水不流師云直下覷看僧禮拜師云念言語漢乃云諸法寂滅相不可以言宣本生無量壽豈可以數記果能當下體驗決定釘抽腦後楔去眼中所以道卽此見聞非見聞無餘聲色可呈君個中若了原無事體用何妨分不分如能透得此意卽知寂滅相從來是用無量壽原不離體今日王公誕辰特請高陞曲杓

撰述  
法苑珠林卷之三  
三  
牀拋下無孔笛貴要諸人當體全彰方稱居士本懷  
苟或矜思停機山僧只得漫成一偈略爲慶祝天大  
將軍壽固然龍門聯以爲君宣本生父母如何觀問  
取當年戲馬前下座

雲居先老人忌日上堂問青山靄靄碧水滔滔恁麼  
境界如何提唱師云竹舞千峰空劫外香然一片玉  
爐中進云空劫玉爐承師指父子相見事如何師云  
珊瑚枕上兩行淚半是思君半恨君僧作女人拜師  
云也是黑地穿針乃云明月堂前青山靄靄空王殿  
外碧水滔滔雖則竹舞千峰香然玉炷未免愁腸暗  
結方寸咨嗟黃花泣秋露慎終追遠紅葉墜朝曦難  
逢清鑒諸人還知先師去來麼本不曾生焉有滅去  
來生滅好思量遂插香云以此供養

臘八圓戒上堂問和尚踞虎頭某甲收虎尾第一句  
下明宗旨如何是中間底師打云百雜碎僧喝師云  
喝什麼進云兩岍猿聲啼不住扁舟已過萬重山師  
云沒交涉乃云今朝拄杖子與現前新學菩薩同成  
正覺且道雪山老子悟個甚麼祇悟得者一領破袈  
裟末後拈花以至二十八祖傳到東震旦國而蔭被  
五宗通相繁盛可謂如花布錦枝艷芬芳山僧親承

祖印無一絲毫許移易諸人果能直下承當方知不  
從人得設若擬議扁舟已過萬重山且道作麼生是  
本有底袈裟以手舉云曹溪吾祖親留得分付今朝  
克紹兒一喝下座

請執事上堂霜花鋪地白紅日映東升古殿光輝耀  
乾坤瑞氣清且喜象王起趾師子嚙呻階下黃花展  
笑臉樹頭紅葉正相親拈拄杖一卓云者裏會得便  
能一切處扶起舊案復振家聲以此爲祥爲瑞以此  
法戰縱橫萬丈門庭今日起大家著力一齊撐會麼  
不見道客來須看賊來打點盞蒿湯勝殊珍

上堂佛身充滿於法界無你站立處普現一切群生  
前者是香爐那是燭臺隨緣赴感靡不周脫空妄語  
漢而恒處此菩提座普化來也諸仁者且作麼生說  
個靡不周底道理試出來說看監院問拄杖子揚聲  
大叫樓闌拂笑展雙眉還是釋迦祥瑞還是大悲神  
通師云不是迦文祥瑞亦非大悲神通進云世尊說  
法天雨四花和尚陞座錦鋪簇簇且道是同是別師  
云功德天黑暗女進云恁麼則過現未來一齊供養  
去也師云急須吐却進云設若臨濟大師到來和尚  
如何款待師和聲便打僧禮拜師乃云山僧月前道

一 佛述  
法苑珠林卷三  
王  
過雲陽今朝回來孜孜拏拏雖則周旋往來於者裏  
不會動著一絲毫所以道不離此座而遍入道場不  
動一毫而徧周沙界向個裏覷得透方可慶快平生  
隨機應物卽不負監院設齋請宣此事其或未然山  
僧爲諸人道破去也一喝下座

元旦上堂祝

聖畢僧出問斬新月特地乾坤時節因緣卽不問今  
朝陞座事如何師云黃河清澈底玉燭日流輝進云  
只如此事人人本具因甚不會師云問取石頭土塊  
去進云蒙師指出秦時鏡照破乾元共證盟師云正

好喫棒在僧作禮師乃云出門相見大賓峰函蓋乾  
坤萬像融拽杖歸來呈舊面高陞狴座祝皇風且喜  
元正啓祚萬物咸亨鐘鼓交參人天普集正值此時  
祥麟彩鳳獨舞丹青錦衣當庚運行至道衆中還有  
不被時節動轉底麼設若不會山僧只得與諸人通  
個消息良久復舉高峰大師云有錢難買歲朝春切  
莫錯過姪女梳妝越樣新面皮厚多少唯有東村王  
大姐早已看破者尿床鬼子依然滿面是埃塵也是  
不會時節諸仁者山僧盡情道破了還知端的也未  
以杖高豎云目前無異路不用賀新年一喝下座

解制上堂僧問今朝上元時節村歌社舞不歇打開  
祖師關棧盡把春機漏洩如何是漏洩底機師云芻  
草乍開山岳動春風才放鳥啼新乃云趙州東壁挂  
胡蘆百日諸人會也無不會山僧明說破顧衆云說  
破個甚麼咄急急薦取莫胡塗便是龍門解制符個裏  
若能親會得何須更覓赤鬚胡下座

寒溪雲庵爲薦師請上堂問答不錄師乃云方友靜主昔

年來參入門便打○相山僧問者個是甚麼他無語  
山僧云如何是你住山事主云閒挑苦菜饑煮雲羹  
山僧云其中還有事也無主云待和尚問卽道山僧

云問過了也主便喝山僧亦喝主復喝山僧便打云  
靜主被龍門勘破了也諸仁者且道那裏是勘破處  
復成一偈云三十餘年住草庵紅爐煨盡鼻頭寒如  
今影裏抽身去不把閑名挂齒端下座

端節上堂清貧贏得菖蒲綠熱鬧輸他鼉鼓遊惟有  
長沙汀上淚波心滴破令人愁所以道世人皆濁我  
獨清衆人皆醉我獨醒且道他有甚長處他家曾踏  
上頭關千古遺聞重相憶若如是方可聽笙歌于綠  
柳堤邊觀龍舟于煙波江上雄黃酒菖蒲茶無限馨  
香生兩頰艾虎符善財藥亦能殺人亦能活顧衆云

還有知得時節底麼以拄杖打○相于中書令字云急急如律令一喝

薦亾僧上堂問亾僧遷化向什麼處去師云不是天堂便是地獄進云者個且置脚跟下一句又作麼生師云黑土三尺深佛眼覷不見乃云佛旨禪入送茶納靈骨歸山請山僧說些佛法若論佛法二字久已忘却了也只記得疇昔之年伊問翠竹煙霞卽不問大地黃花事若何山僧云刺瞎鬚黎眼伊云刺後如何山僧云待汝死徹一番卽向汝道今日伊死了因甚不道諸兄弟生死路頭長倏忽如掣電急須抖擻

道  
精神畢竟是個甚麼莫待黑面老子索飯錢漫言不

上堂多時不說禪口裏生荆棘好笑寒山子吾心似秋月月中丹桂噴天香指示諸人識不識若要識問取東村王大伯乃舉六祖大師道吾有一物無背無面無頭無尾無名無字常在動用中動用中不識諸仁者旣在動用中爲甚不識龍門卽不然吾有一物有頭有尾有背有面有名有字常在萬像中萬像中不能覆者裏會得青山疊疊黃鸝舌轉釋迦心碧水重重鯨魚性獲祖師意月中丹桂威音那畔露真風

雲外青松選佛場中明個事到恁麼地豈敢囊藏只  
得爲諸人道破今辰乃萬玉葉居士爲母慶生特向  
人天衆前無生說生無夢說夢雖然如是且因齋慶  
讚一句作麼生道花開鐵樹全提旨一線抽牽萬象  
中下座

師誕日上堂惟一堅密身一切塵中現山河大地日  
月星宿莫是堅密身麼明暗色空鱗甲羽毛莫是堅  
密身麼若恁麼會與堅密身了沒交涉後來臨濟大  
師見人不會却向堅密身上下個註脚汝等赤肉團  
上有一無位真人在汝六根門頭放光動地未證者

證自爾印文旣破以爲傳訛將此堅密身碎作七花  
八裂所以安國云得之於心伊蘭作栴檀之樹失之  
於旨甘露乃蒺藜之園臨濟大師可謂善學柳下惠  
終不師其跡也山僧恁麼葛藤諸兄弟還知落處也  
未良久云只知事逐眼前過不覺老從頭上來卓杖  
下座

結制上堂僧問今朝結制卽不問如何是五家宗師  
云念將來進云如何是臨濟宗師云一棒青天轟霹  
靂從教海底絕煙塵如何是雲門宗師云三關險處  
難迴避一字藏身不犯機如何是曹洞宗師云君臣

道合金鍼密偏正機輪玉線通如何是爲仰宗師云  
子遊父嶺父引道父渡秋江子弄篙如何是法眼宗  
師云迦葉眼中空六相毘盧頂上現全身進云五家  
宗旨承師指作家相見事如何師云兩口俱無舌額  
下各長眉進云某甲卽不然師云你杜撰看進云梅  
檀林裏梅檀貴獅子窟中獅子兒師云正好喫棒乃  
云古人道一年一解一年一結總是者事不須多說  
踢著秤錘硬似鐵龍門亦有個句子一年一度解一  
年一度結慇懃告與君一棒頭腦裂切忌眼中重著  
楔

管翁舒居士爲母誕日請上堂

問答不錄

師乃云欲識未

生面當觀堅密身了得堅密身始知未生面遂豎拂  
子云者個是堅密身復擲下云者個是未生面若定  
當得出始知萬古青山只麼青千年碧水仍還碧祇  
如今日陞座爲梁氏夫人祝壽一句作麼生道繡谷  
峰頭紅日呆龍門寺裏祝長年下座

上堂今朝臘月一也須知端的雪覆千山毛骨寒火  
生地爐血滴滴血滴滴誰是知音能培植若能分析  
得出卽明得過去諸如來斯門已成就現在諸菩薩  
今各入圓明未來修學人皆依如是住遂舉杖云不

得動著動著與他三十棒畢竟如何山僧不惜莖眉  
爲諸人垂手看一片袈裟撩搭起街頭十字任縱橫  
一卓下座

解制上堂問百日內若有所得頭上安頭若無所得  
辜負今日畢竟如何師云問取瞎漢去進云祇如世  
尊已前彌勒已後是何面目師云他無面目進云恁  
麼則草鞵倒著去也師打云承虛接響漢乃云世尊  
已前千聖不言彌勒已後諸祖難透何故無他下口  
處直饒透得徹骨徹髓正好來喫龍門拄杖何故更  
有向上一著在其或未諳仍舊墮在窠臼裏山僧不

惜唇齒向諸人開一線道家家户户燈逢人莫錯舉  
上堂安居禁足依然逼塞彌天出穴離巢仍舊不離  
當處所以道匣裏青蛇光燦爛雲中師子足洪音旣  
然如是因甚有出有入聲一拂云雖然有出入原本  
是一家昔有僧辭雪峰去叅靈雲乃問佛未出世時  
如何雲豎起拂子出世後如何雲亦豎起拂子其僧  
却回雪峰云返太速乎僧云某甲問佛法不契峰云  
汝問什麼僧舉前話峰云汝問我與汝道便問佛未  
出世時如何峰豎起拂子出世後如何峰放下拂子  
僧禮拜峰便打師拈云者兩個老漢憐兒不覺醜可

撰述  
三  
上  
惜者僧至今猶未知醜在假如今日有問座元未出關時如何山僧亦豎起拂子出關後如何山僧亦放下拂子你諸人且道山僧與古人是同是別倘未知得端倪且向牧恒座元處與諸人道破下座

因事上堂七尺烏藤用得奇徹頭徹尾露真機掀翻窠臼重拈出敲佛打魔恰得宜窺未透莫狐疑走向他家傍竹籬鷄棲鳳巢終是異妙高峰頂豈能窺一喝下座

五通作崇師以杖擊碎焚之上堂昨日說五通今朝燒五通地方從此振事事悉昌隆衆中有知昨日今朝意旨者麼僧問佛照也恁麼丹霞也恁麼和尚也恁麼意旨如何師云咸教天下太平進云旣是五通因甚被火燒却師云正是五通進云橫按鑊邪全正令元來當斬不平人師云且喜闍黎領話僧作禮師乃云橫按鑊邪全正令提綱當斬不平人爍地光天生爍爛頓令邪怪絕煙塵諸仁者五通被山僧燒却且道山僧有甚長處以杖打呼相云我爲法王於法自在一喝下座

師誕辰上堂問玉燭輝煌騰卍字紅輪光燦正東升如何是知命意師云東山呈曙色萬壑悉光明進云

五旬一萬八千日逗到今朝是正筵且道與昔日同  
別若何師云文不加點進云當陽鐵樹花開別不與  
人間色相齊師云仁者自生分別乃拈杖云赤條條  
本自飽滿孤迥迥幾曾饑却有時高高峰頂棒破青  
天吐紅日有時淡淡海底喝起泥牛耕玉浪者裏會  
得自然量等虚空界示等虚空法證得虚空時無是  
無非法既無是又無非扇子踣跳上三十三天觸著  
帝釋鼻孔東海鯉魚打一棒雨似盆傾其或擬議未  
免向虚空裏釘樞去也復舉大慧老人一日挂牌入  
室慧問妙總尼古人不出方丈爲什麼却去庄上喫

油糝尼云和尚放妙總過方敢通個消息慧云我放  
你過試道看尼云妙總亦放和尚過慧云爭奈油糝  
何尼一喝便出於是聲聞四方今日無瑕尼送大衣  
入山山僧也不掛牌無瑕亦不入室設若有問山僧  
代無瑕云和尚不得說夢便行不但截斷古人葛藤  
亦免向油糝上作活計會麼一卓云分明不在春枝  
上賣盡風流人不知下座

眉劍首座請上堂僧問遇境逢緣卽不問慶生一句  
請師宣師云燈燭交輝人境互換進云父母未生前  
如何是和尚本來面目師云威音那畔不如我如何

撰述一  
是已生的本來面目師云那畔威音我不如進云臨  
濟宗旨縱奪分明如何是奪人不奪境師云月印前  
朝寺蒼堦虛自明如何是奪境不奪人師云牧童歌  
遠調方識老山深如何是人境兩俱奪師云白日西  
山墜長安緊閉門如何是人境俱不奪師云聖主臨  
寶殿野老盡相親進云蒙師指出秦時鏡照破無生  
劫外春師云非汝境界乃云首座爲我慶生兼啓山  
僧說法若有法可說却成世諦流布若無法可說未  
免取笑虛設所以道不見有人境互換生滅長短動  
靜無虧全身荷負眉劒首座隨侍山僧一十六載癸

巳秋命守同安院事于中經歷寒暑志興祖席道業  
行業宛若冰霜累被風波毫無移易今特山僧五旬  
遠來慶祝雖然如是且不涉景緣一句作麼生道愧  
慙半百等閑度喫盡風霜耐歲寒下座

九日上堂三玄三要事難分得意忘言道易親一句  
明明該萬象重陽九日菊花新菊花旣新還有知時  
應節者麼僧問處處笙歌吹落帽家家鼓樂宴龍山  
如何是值時應節句師云幾點重陽雨洗出透靈源  
進云重陽佳節蒙師指展翅鷓鴣事若何師云拔萃  
衝霄添瑞氣超群獨步助春風進云恁麼則許淵明

折一枝去也師云喜得上座領話僧禮拜師乃云從  
上來建法幢立宗旨祇爲紹隆佛種接待後昆山僧  
縵網張鈎倚望撈得一個半個撐持祖道法社增輝  
不意監院慎獨不遠千里山僧一見已知脫皮換骨  
今日搥鼓集衆只得兩手分付且道付個什麼龍門  
一派曹溪水今古滔滔話不窮獨許慎公吸一滴頓  
教陸地起蒼龍下座

結制上堂最初一句子眉下甚分明鼻孔原向下何  
勞別處尋旣不別處尋今日因甚牽累山僧奈你個  
個仰天覓地把水求火將靈然一段光明自己埋沒

豈不知盡大地是個禪堂返去他處棲遲可謂無繩  
自縛今日事不獲已只好將錯就錯且向長連牀上  
豎起脊梁緊捏繩頭看是什麼道理切須逼得通身  
汗下絕後再甦失脚井中拖得一個紅爛鐵錘也不  
可知顧左右云喚甚麼作紅爛鐵錘衆無語師云如  
鴨聞雷拽杖下座

解制上堂百日期滿眉毛放下衆中有收因結果者  
麼出來爲你證據若論此事不言而信不動而彰其  
靜也翕其動也闢語其大天下莫能載語其小天下  
莫能破因什麼有九旬禁足三月安居蓋爲諸人不

肯向已躬下討個消息如逼蛇化龍一場笑具象中  
還有不甘者麼也是茅山土地

住江西南昌府奉新縣越山寶蓮禪寺語錄

師于辛卯冬十月初一日入院

陞座拈香祝

聖罷師云山僧八月赴雲居難却從前二次書去住任  
緣酬宿債偏來越阜釣龍魚僧問越山高頂冰壺發  
焰和尚向者裏釣個甚麼師云釣却也不知進云如  
何便脫去師云截斷命根乃云雲居越山本無差別  
者邊那邊從來不異祇爲諸人節外生枝不能脫於

網釣遂豎拂子云若向者裏會得任他絲垂千尺網  
布漫天縱具尚父之手得養由之能依然是陸地尋  
魚水中覓兔亦撈捩伊不著直須向空王殿裏尋出  
無依道人越山頂上摩著沒相鼻孔者回方許喫山  
曾拄杖今朝逢公監院請住寶蓮舉揚個事正與麼  
時且高歌迎瑞共樂清平一句作麼生道以杖卓云  
眼耳頓開天地小萬象森羅拱北宸靠杖下座  
結制陞座師云晉公居士設齋寶蓮寺裏結制雖則  
法喜禪悅正要諸人警地教中道其施汝者不名福  
田供養汝者墮三惡道且道針鋒頭上文殊普賢勞

攘個什麼波斯照古鏡

陞座纔見結制今日又解雪光和燦爛瑞氣湧三台  
且喜青山洗出玉樹消融萬籟絕響堂中悄靜適纔  
侍者道恭喜大衆都得根本智山僧劈脊一棒且道  
是賞你罰你復卓云不見道庭前生瑞草好事不如  
無一喝下座

法靈印禪師語錄卷第三

法靈印禪師語錄卷第四

嗣法門人性圓旋璣旋哲旋賢等編次

住北京南城清化禪寺語錄

師於壬子年九月二十二日進院

山門門戶近都深固幽遠八字打開誰是主者一喝  
便進

彌勒殿久視云坦腹者阿師爲何笑不歇想是布袋  
口不敢輕漏洩插香云明眼人難瞞

佛殿巍巍挺特衆聖中尊且道今日新長老到來作  
麼生相見遂展具云相隨來也

大士殿婆心三大士威德莫能齊爲什麼終日在者裏成羣作隊正眼看來也須各領三十棒  
伽藍堂十方常住賴汝維持者個破砂盆急急須扶起何故響靈山受囑來斯地千古難忘者片心遂插香

祖師堂一堂風冷澹千古意分明且道分明底是個什麼良久云惡

據方丈師以杖左卓云有賓有主有照有用以杖右卓云有縱有奪有殺有活以杖橫案云三世諸佛歷代祖師天下老和尚都向者裏納敗缺一僧纔出師

劈頭便棒云正令當行

卽日上堂師至座前以杖指云者個所在乃從上老古錐放捨身命處廣運神通處今朝無面目的漢到來且道作何三昧一喝便陞拈香祝

聖畢復拈香云此一瓣香最初流落諸方深坑險隘百煉不成末後撞入雲居大冶紅爐一鎚打就今對人天第四回拈出燕向爐中端爲供養前住雲居歸老竹林堂上傳臨濟正宗第三十世傘居先師顛愚大和尚用酬法乳之恩遂斂衣就座盤山語石和尚白槌云法筵龍象衆當觀第一義師云第一義諦如熱

撰述  
火燧似太阿鋒觸則頭開腦裂背則膽喪魂飛衆中  
有不顧性命者出來相見問敲唱同時萬里之鈎齊  
放主賓互換漫天之網全彰打鳳羅龍卽不問如何  
是賓中主師豎起拂子如何是主中賓師垂下拂子  
如何是主中主師橫按拂子如何是賓中賓師擲下  
拂子進云賓主已蒙師指示聲氣相同一句又作麼  
生師拈棒云照顛頂顛進云道泰不傳天子令時清  
休唱太平歌師打云要識青山雨後看問昔日靈山  
說法天雨四花今朝清化開堂有何祥瑞師云鐘鼓  
聲喧海衆齊進云金風吹玉管杲日麗晴空且道澹

老法師暨諸緇素請師住院以何法酬他師卓杖云  
更無別物進云玉洞橋高行者少汾河水濁飲人稀  
祇如向上人來如何話會師云總教伊退步有分進  
云不辭萬里來清化大振宗風在帝都師云語出自  
殷勤僧禮拜師乃云靈光獨耀迴脫根塵至理無言  
難容話會與麼去就未免有負傍觀今日山僧只得  
別通消息驀豎拂子云還見麼擊一擊云還聞麼若  
見若聞何異撒珍寶於十字街頭提折腳鐺於千峰  
頂上打鳳羅龍則且置祇如祝聖開堂一句作麼生  
道卓一卓云耕鑿不知由帝力萬邦齊唱太平歌敘

橫地  
事畢復舉南泉老人入新院時有僧問云和尚進院歸方丈後以何法示人泉云昨夜三更失卻牛天明起來失卻火後大慧和尚舉云老僧昨夜也不會失卻牛天明也不會失却火有人來問徑山進院歸方丈後以何法示人只向他道饑來喫飯困來打眠師云者兩個漢各逞己長捉風捕影檢點將來一得一失今日設有人問清化進院歸方丈以何法示人便與他劈脊一棒諸仁者且道山僧與古人是同是別遂卓杖云但逢珠玉盤中現始信真沙不博金語和尚結座云諦觀法王法法王法如是下座

當日晚叅道無南北隨方建立法幢手眼通身到處拈提祖令應萬物如月影寒潭赴羣機如雲遊空谷非離非卽不有不無自能驅耕奪食攫霧拿雲且道個裏有什麼長處便能如是遂舉杖云透水穿山禁冷熱撐天拄地耐春秋復舉百丈示衆云汝等與我開田我與汝說大義衆開田了歸請說大義丈乃展兩手師云古人雖則一期方便真實爲人爭奈太殺郎當傍觀者哂今晚山僧告衆又且不然何故譬汝等爲我執事我爲汝等說禪衆中有常住事畢來問禪者卽向他道花落烏啼明祖意水流風動演摩訶

便歸方丈

結制上堂今日叢林結制那肯當爐不避惟有露柱  
燈籠恰好心空及第衆中莫有出來吐露消息者麼  
問法不孤起遇緣卽宗結制上堂如何舉示師云寒  
風起處結冰花進云閉門打睡接上上機坐曲景牀  
勉爲中下且道清化開爐更接何等法器師云鰲鷲  
白牯一齊收進云假如心空及第不受鉗錘者到來  
又作麼生師打云拈向一邊問鐘鼓交叅人天普集  
向上宗乘則且置開爐句子請師宣師云烈焰烘天  
焦頭爛尾進云天下衲僧都入般若堂中爲什麼水

牯牛不入斯門師云頭角太崢嶸進云且道得何道  
理便當如是師云不入衆流僧喝師便打乃云大開  
爐韜妙密鉗錘是聖是凡都歸鎔化三頭六臂悉在  
其中鶻眼龍睛豈容擬議鰲鷲白牯何妨動地放光  
露柱燈籠管教橫行直撞果然恁麼方許獨步大方  
其或不然急須脫卻芒屨高懸囊鉢向紅爐焰裏翻  
身萬仞崖前撒手旣然如是且安禪結制一句作麼  
生道驀豎拄杖云鉗錘旣在無私手鐵額銅頭也皺  
眉一卓下座

萊臣余護法爲母張氏夫人誕辰請上堂問放行也

撰述  
日月爭光把住也乾坤失色一切諍譎卽不問慶生  
句子請師宣師云西山老鶴鳴松頂東海靈龜曳尾  
行進云昔日給孤長者捨祇園果現天宮今朝余公  
爲母誕辰飯衆有何瑞應師云冰花連底凍石耳傍  
雲生進云朝中佩玉乘車客盡是當年作福人師云  
笑倒燈籠露柱問東華送福南極呈祥卽不問慶壽  
一句作麼生師云滿面寒風隨日至一天春景及時  
來進云恁麼則青松垂玉粒碧海泛金樽師云恰似  
蓬萊閬苑進云前三三與後三三師打云者是多少  
進云某甲只得禮拜師云亂統禪和乃云佛真法身

猶若虛空應物現形如水中月者裏會得不惟古佛  
舒光要且山河大地萬象森羅情與無情一齊俱證  
無生法忍與麼告報猶是第二頭豈不見張氏夫人  
自呈偈云大道本來無一字字無何用費工夫個中  
消息難描畫水淨天空月滿壺今日乃萊臣護法爲  
母飯衆之辰山僧不妨爲伊據款結案良久云常將  
日月爲天眼指出須彌作壽山復舉龐居士與靈昭  
女云明明百草頭明明祖師意靈昭云老漢髮白齒  
黃猶作者個見解龐云汝作麼生昭云明明百草頭  
明明祖師意師云龐公舉處卽當靈昭答處孤峻雖

換述  
則父子綱常早已互揚家醜若在清化門下正好喚  
來一頓痛棒何故聲明明百草頭明明祖師意一喝  
下座

澹恆法主誕辰請上堂問蟠桃果熟三千歲優鉢花  
開不記年七十從心卽不問不通凡聖事如何師云  
威音那畔薦取進云風聲嘹啞動生前如何是過去  
心不可得師云虛室夜生白進云黃花翠竹總真如  
如何是現在心不可得師云燈籠笑滿腮進云月影  
浮沉蕩太虛如何是未來心不可得師云井裏蝦蟆  
吞却月進云與麼則情與無情一齊慶祝去也師云

還有泰山石在問香風迎瑞彩燭影現銀花森羅及  
萬象盡是眼中沙如何是無生句師作聽勢云道什  
麼進云老漢切莫粧尊好師云街頭木杓幾文錢僧  
便喝師打云波斯入鬧市乃云佛子住此地卽同佛  
受用常在於其中經行及坐卧且道經行坐卧的是  
什麼莫是威音那畔減損不得的麼莫是今世門頭  
增加不得的麼莫是澹恆法主出廣長舌橫說豎說  
的麼莫是山僧手裏七尺烏藤爲人揀凡成聖的麼  
若向者裏檢點得出則一動一靜一語一默總是諸  
佛受用更說甚如來禪祖師禪有義路無義路脫體

是個無量壽風吹不動斧劈不開無黨無偏春秋不涉則止祇如今日山僧爲伊慶祝遐齡一句又作麼生道良久揮拂云虛空劫外傳消息石女今朝產聖僧復舉江西馬祖以禪道化人西山亮座主以教法救世一日亮座主來叅馬祖祖云見說大講得經論是否主云不敢祖云你還將什麼講主云將心講祖云心如工伎兒意如和伎者又怎講得亮乃抗聲云心旣講不得莫是虛空講得麼祖云却是虛空講得亮不肯卽便出去祖招云亮座主回首豁然大悟師云馬大師拗直作曲平地風波亮座主氣欲吞雲

隨風倒舵不惟虛空解講經要且翻成話柄山僧今日與澹恆法主同堂共住聲氣相符斷不作者般語話何故攀桃花細逐楊花落黃鳥時兼白鳥飛拽杖下座

佛成道日劉山主誕辰請上堂問悉達冷坐六年一夜觀明星而悟道還端的也無師云拄杖頭邊懸杲日龜毛尾上繫清風進云三七思維無法說一乘圓頓復何言師云夢裏家山認得真進云摩揭掩室毘耶杜口還是爲人不爲人師云兩頭截斷不畱中進云三頓得隨摩竭令當陽拈出大家看師云寐語作

麼顧居士問太虛空還有相否師云有進云如何見  
得師打云劈破兩邊看進云朔風已隨冰影去浮雲  
片片帶春來師云閒言語問世尊未出母胎度人已  
畢且道當初降生作麼師云矢上更加尖進云黃宮  
降誕早已稱尊且道雪山六載夜觀明星又悟個什  
麼師云虛空重釘橛進云幾番揭露揚家醜未審何  
人識得渠師云賴汝一個乃云今日是釋迦老子成  
道之日又是劉山主誕生之辰荷花映水松栢長青  
杲日麗乎中天須彌齊於壽岳到恁麼田地非情可  
測非智可稱所以道虛空可量風可繫無能盡說佛

功德復舉世尊於雪山六載一夜覩明星而悟曰奇  
哉一切衆生具有如來智慧德相皆因妄想執著不  
能證得師云黃面老漢大驚小怪錯認驢鞍橋作阿  
爺下領清化者裏不然夜夜明星燦爛朝朝曉日輝  
煌人人鼻孔撩天個個脚跟點地爲什麼大眾總不  
悟去卓云家無白澤之圖亦無如是妖怪下座

除夕上堂問幾回霜雪苦風寒恰遇今朝對日歡祖  
意西來卽不問迎新送舊請師宣師云五鳳樓前瑞  
氣濃進云爆竹一聲除臘去梅花幾點送春來師云  
莫將聲色成窠臼進云燈籠露柱皆證無生未審和

尚證個什麼師打云一棒一條痕進云恁麼則人人  
知吉慶個個盡酬恩師云山門合掌佛殿和南乃云  
一歲光陰駒過隙往來寒暑任權呼雖然身世榮枯  
事個裏依然絕有無舉措施爲真受用著衣喫飯自  
工夫萬別千差明的旨喚龜作鼈豈模模糊糊倒燈籠  
露柱報道庭際梅敷北禪可笑設家宴無端烹宰不  
相辜清化從來澹薄茶湯勉力空疎且正當除夕一  
句作麼生道良久云今日大年三十到家家門首換  
桃符一喝下座

元日上堂拈香祝

聖畢問香煙靄靄瑞氣重重佛

法當陽如何指示師云蒼松翠栢淡煙籠進云昨宵  
是舊歲今日是新年且道佛法還有新舊也無師云  
春風回萬壑煦日麗千村進云恁麼則山川蒙至化  
草木賴恩光師云腳跟下好與二十棒進云風雨去  
來天本淨霧雲收盡日長明師云且喜沒交涉乃舉  
香巖和尚云去年貧未是貧今年貧始是貧去年貧  
猶有卓錫之地今年貧連錫也無洞山和尚云去年  
富未是富今年富始是富去年富唯有一領墨黻布  
衫今年富添得一條百衲山水袈裟歲朝抖擻呈禪  
衆實謂風流出當家師云二尊宿一人稱貧一人道

富長者長無端短者短無度雖然各顯家風未免世  
諦流布拈拄杖云清化者裏也不稱貧也不道富任  
是年新月新家風到底如舊遂高聲召大衆衆回首  
師云昨日不同今日節今年却是去年春卓一卓喝  
一喝下座

解制上堂問九旬把住卽不問今日放行事若何師  
云擎頭帶角出風雲進云衆檀越皆以上元勝會爲  
解制之端且道宗乘中還得相應也未師云梵音聲  
裏徹雲霄進云萬里山河承帝力謳歌此日祝長年  
師云須彌炭寧海水沸騰乃云九旬把住今日放行

杲日懸空春風匝地喬松轉翠多年丹鳳舞池邊嫩  
柳垂青無限錦鱗浮水面銀花火樹處處皆然黃閣  
紫宸明明透露六街聲動地鐵馬響簷前諸人眼見  
耳聞必竟作何體段拈拄杖一卓云拄杖子騎佛殿  
出山門週遊華藏世界海跨須彌入藕絲孔裏轉大  
法輪諸仁者還有知山僧爲人落處麼良久云一把  
柳絲收不得和煙搭在玉欄杆擲拂子下座  
退院日值旃檀佛開光上堂來自秋風來去自秋風  
去來去總秋風爲何成兩義你諸人還會麼會得時  
節已至其理自彰頂門上放大寶光眉睫間現諸妙

相塵塵爾刹刹爾到處稱尊隨方自在到與麼地喚  
丈六金身作一莖草也得喚一莖草作丈六金身也  
得所以道法身遊徧娑婆界今古誰人識得渠復舉  
世尊在忉利天爲母說法優填國王思佛命匠刻旃  
檀像及至世尊下來像亦出迎師云世尊布縵天綱  
下透海鈎引波濤於陸地之中釣鯤鯨於須彌之上  
若非優填國王當時也大難承順何故童僕尚能多  
意氣主人應是不尋常喝一喝下座

法璽印禪師語錄卷第四

法璽印禪師語錄卷第五

嗣法門人性圓旋璣旋哲旋賢等編次

小叅

十方同聚會個個學無爲此是選佛場心空及第歸  
且作麼生是心空及第歸底意以拂子打○相云秋  
月滿大地山河光皎潔翠屏峰上白雲輕招賢橋下  
碧水急諸道流若委悉管教叅學事了畢龐居士於  
馬大師一言之下將歷劫家私一時蕩盡便道有男  
不婚有女不嫁大家團圓頭共說無生話師云者漢  
雖是道得清楚未免俗氣不除若是山僧不作恁麼

見解何故聾有男要婚有女要嫁但勤耕與織說甚無生話大衆且道孰優孰劣若檢點得出方許把手入龍門點檢不出退後三步看

有物先天地無形本寂寥能爲萬象主不逐四時凋諸兄弟作麼生是不逐四時凋底意旨以杖擲下拈拄杖卓云聲前一句千聖不傳聲後一言諸祖莫測正當恁麼時諸人如何理會衆無語師擲杖云劄師過龍丘值伯震葉居士爲母圓經請師云經不屬圓不屬不圓圓則截他頭角不圓則滅他聲價豈不見聲前薦得猶落今時色裏承當逃頭認影所以道

若以色見我以音聲求我是人行邪道不能見如來旣不以色見聲求諸人作麼生會山僧不惜口業今日爲汝註破乃拈拄杖卓一卓云有見有聞皆是妄無聲無色總歸非個中有隻金剛眼十聖三賢總莫知如果能如是則翠竹之聲塞兩耳亦非分外紅桃之色刺雙眸甚是平常倚天長劒凜凜威光仆地金鍼聲聲劄透恁麼時正好與蔡氏打開八字兩手分付且結角羅文歸功一句作麼生道菩提妙法徧莊嚴隨所住處常安樂

握竹篋云把住也是者個放行也是者個山僧今晚

括來不妨塞却你底鼻孔封却你底口門進不得出  
不得左不得右不得到者裏果能撒手懸崖分身萬  
像方於此事少分相應更有向上一著尚遠在  
舉竹篋云者是山僧七日已前爲諸人把住的復擲  
下云者是山僧七日已後爲汝諸人放行的且道不  
落把住放行的是什麼水中月鏡中像不可以語言  
形豈可以默照會直須山盡水窮自然有個出路還  
會麼喝一喝云甕裏何曾走却甕

悅衆問百鳥成羣棲鳳嶺千峰疊翠色爛斑如何是  
同安境師云門前一湖水屋後萬重山如何是境中

人師云有工唯種竹無暇不栽花如何是人中意師  
云瞻之仰之人境已蒙師指示起七一句作麼生師  
劈脊打云切忌在者裏薦取乃云諸兄弟者個消息  
甚是容易設若會得則門前一湖水屋後萬重山作  
境會也得不作境會也得儻或躊躇我也知你是金  
州路上客

拈竹篋作○相云山是山水是水復劃破云山不是  
山水不是水乃擊案云山仍舊山水仍舊水就中有  
個漢見得徹向者裏掀翻窠臼剗削條章縱饒臨濟  
德山只得吞聲飲氣若也尚滯狐疑敢保盡形壽無

有倒斷日在旣然如是山僧索性爲你諸人道破卓  
杖云曙色未分人盡望及乎天曉也尋常一擊便行  
燈宵十五日諸方悉解制龍門印長老不敢違先式  
且作麼生是先式以拄杖打中相云放復云若到諸  
方切忌錯舉

舉千巖和尚偈云六月山溪日正長道人行處不尋  
常團團圍繞青松下殿角無風也自涼師云者老漢  
大似向松陰處著到山僧則不然夏木森森日正長  
道人行處極平常任他市巷煩笳管熱鬧場中也自  
涼諸仁者者裏著得隻眼紅塵堆裏遊戲依然滿地

繁霜碧巖溪處打眠仍舊普天杲日到恁麼地始知  
佛祖魔王無下手處閻羅鬼判覩著無門以杖一畫  
云截斷葛藤

中秋無風動絕雲行皎潔冰輪永夜清歷歷孤明光  
上下丹青有筆畫難成驀喚云寒山子來也便歸方  
丈

大雪紛紛落膽寒彤雲簇簇鎖千山漫言野衲輸他  
貴澹薄家風甚是安諸兄弟如何是澹薄家風拂云  
挑菜連雲煮和羹帶柏香一飽憨憨臥無事可商量  
權將玉燭鋪銀案寬酌先春笑謝郎

新出紅爐金彈子筵破闍黎鐵面皮一度拈來重舉  
示頓教佛祖也愁眉良久云達磨老祖昨夜在山僧  
枕头邊道者一著子本無迷悟迴絕生歿亘古亘今  
全體獨露只爲諸人一向攜燈覓火無有了期今日  
同安結制也是平地生端諸仁者老祖與麼告報還  
有領略者麼若是伶俐衲僧不妨了達設或未然山  
僧更與你重重饒舌去也乃豎拄杖云脊梁豎起如  
生鐵不破疑團不放休

如來禪祖師禪俱皆坐斷金剛圈栗棘蓬一齊拋出  
只教諸人吞吐不得搖撥不開無路可通無門可入

四面八方銀山鐵壁忽撞著個無手漢鷲向腦後一  
推豁然漆桶生光頂門具眼始得雲從龍風從虎七  
縱八橫無拘無礙諸仁者雖然恁麼猶是者邊底事  
祇如威音那畔更那畔一句要你諸人七日後腳跟  
點地始不怪山僧今日饒舌

今朝解制聚首九旬同安始終如一諸人去住自由  
今有新令舉示諸人東去西去的一重山過一重山  
腳跟下痛與三十鉢囊高掛的饑時喫飯倦時眠腳  
跟下痛與三十諸仁者今日同安因甚如此良久云  
爲人須向損邊行

師至柩前以杖作○相云者是待贈高門余氏孺人  
生前面目死後儀容清淨圓明靈通不昧若向者裏  
薦得千了百當若少有忤疑未免錯過過去也復舉文  
殊問庵提遮女云生以何爲義女云生以不生生爲  
生義殊云如何是不生生爲生義女云若能明知地  
水火風四緣未嘗自得有所和合而能隨其所宜是  
爲生義殊云灰以何爲義女云灰以不灰灰爲灰義  
殊云如何是灰以不灰灰爲灰義女云若能明知地  
水火風四緣未嘗自得有所離散而能隨其所宜是  
爲灰義庵提遮女問文殊曰明知生是不生之理爲

什麼卻被生灰之所流轉文殊云其力未充師云文  
殊與庵提遮女太煞郎當直饒道個監院房典作房  
亦是釘椿搖櫓今日有問山僧明知生是不生之理  
爲什麼卻被生灰之所流轉只向他道崑山有玉瑩  
如雪萬古聲光無減增

舉竹篋云寶鏡當軒狐妖膽喪靈鋒吼匣魔佛魂飛  
觸著則腦裂覷著則眼瞎且道利害在甚麼處良久  
一擊云兵隨令轉將聽符行乃度與西堂便歸方丈  
師踞座良久云古人道有一物明歷歷上拄天下拄  
地常在動用中動用中收不得且道是什麼物驀豎

拄杖云脚跟下薦取

今朝解七大衆雲集試驗本叅都盧黑漆舌若生苔  
唇猶著棘進退無門銅墻鐵壁特爲諸人聒通呼吸  
且道呼吸作麼生通以拄杖一卓云一齊拶碎疑團  
便是心空及第

今日檀那應供歸來打鼓起叅不言東土西竺豈說  
前三後三隨緣放曠任意逍遙聖諦凡情了無計議  
自然三千七百葛藤了然透徹何故響風雨交加泥  
路滑依然不溼個中衫

巍巍堂堂澄澄湛湛當下迴絕承當豈容從頭計算

要知此事從來周徧十方無餘無欠總爲諸人捨近  
從遠棄易求難將己分一段真常置之不能受用把  
古人閒言淡話蘊記胸中被人三追四奪依舊黑漫  
漫地若恁麼縱饒打七打三結冬結夏也是虛度光  
陰終無實得同安今日特爲諸人別通一線乃拈拄  
杖云有意無心俱是妄清風明月不須沽

舉竹篋云釋迦老子說法利生的也是者個迦葉阿  
難傳持法眼的也是者個西天東土奕葉相承的也  
是者個南嶽青原石頭馬祖光前啓後的也是者個  
從上老古錐向人天會裏舉揚的也是者個天下老

禪述  
和尚在都市山林拈弄的也是者個今日山僧開爐  
結制鍛鍊的也是者個且道者個是什麼遂擊一擊  
擲下竹篋歸方丈

雙睛懸額角了無一物獻尊堂

佛法至妙妙在明心心若洞明前後際斷超三祇於  
刹那之頃證心印於彈指之間且喚什麼作心印以  
拄杖一卓云莫將閒學解埋沒祖師機

爲雲陽元清關主開關師至關前云山僧有一問你  
道得長老未來時早已相見了也若道不得對面千  
里只如未閉關已前你在那裏立腳主一喝師云閉  
後又在什麼處安身主云睡覺師云何不再喝主擬  
議師云破也破也復以杖擊云不須彈指開樓閣透  
過祖師個一重

爲靈嶽書記隱關嶽問玄關玉鎖佛祖頂顛乞師一  
言以爲龜鑑師云坐斷千差時頂門須具眼進曰祇  
如坐斷的人向什麼處行履師云一日打眠三五度也  
消不得許多閒嶽便喝師云退身三步看乃云今朝

撰述  
淨觀日誦詩卷之三  
正值臘月八觀星悟道事方恰腳下有個靈俐郎一  
關高掩寶王刹有時上無攀仰有時閒行週匝且道  
內不放出外不放入時百尺竿頭一句作麼生道乃  
卓拄杖云待伊心肯處是我命通時

問諸行無常是生滅法如何是生以不生生爲生義  
師云拄杖頭邊安世界毫端尾上定乾坤進曰生滅  
滅已寂滅爲樂如何是死以不死死爲死義師云天  
上泥人騎木馬人間露柱擊崑崙進曰只如不生不  
滅又作麼生師打云正好喫棒進曰今朝設壇修梵  
如何是接引一句師云薜蘿緣古樹進曰恁麼卽證

無生地能超極樂天師云被你道著乃以拄杖高豎  
云烏藤七尺絕甄別祖意西來齊漏洩威音那畔不  
曾生今世門頭那有滅滅不滅有奇特萬象森羅一  
印中劈破虛空成兩椽南斗欄珊北斗橫東山嶼岬  
西山缺就中有個鐵崑崙一任東拋與西擲若向者  
裏會得始知我 河廳李護法恭請山僧爲母劉氏  
太夫人對靈說法的意是什麼意良久卓杖云生死  
涅槃齊坐斷孤明炯炯照三千

普說

兩序到方丈爲請說些禪病山僧云禪有什麼病蓋

爲叅底人自病耳然世間一切法現現成成眼是能  
司見耳是能司聞鼻是能知香臭舌是能知苦澀身  
是能爲動轉意是能曉思惟以至蠢動含靈草木昆  
蟲無不是現成你教山僧說個什麼雖然事無一向  
若不如是則辜負衆等祇得無實法中說些實法絕  
理事處言些理事乃豎拂子云會麼達磨西來教外  
別傳不立文字直指人心見性成佛之旨總是者些  
子所以者些子能會得便會萬物爲一體古今爲一  
源超凡情絕聖域皆不出乎此又如臨濟雲門曹洞  
瀉仰法眼啓肇宗旨各立門庭機無不備法無不周

一切施爲動靜罔不自適竭其樞要亦是者些子因  
甚日用之間接物之際不能毀方瓦合却又觸途成  
滯祇因人到者裏未能向脚跟下細細研腦後追  
覓所以百事施行皆拂亂其所爲也及乎脚下覷破  
腦後打開又把者點靜見灰灰守住如病鳥棲蘆困  
魚止水已見法執全不殞亡一切施爲亦復如是者  
等人如是行履如是知解爭麼透得佛祖差別公案  
達得佛祖從上根源若不遇大手眼宗匠替他把古  
人諍訛處拈得實落差別處點得分明不然騎牛終  
不肯落地下船又怕登涯者個病如何消得去正所

謂劍爲不平離實匪藥因救病出金瓶所以高峰大  
師道若要開鑿人天眼目發揚佛祖宗猷更將自己  
與選佛場鎔作一塊颺在百千萬億世界之外然後  
轉身移步向威音那邊更那邊打一遭却來西峰者  
裏喫棒又如大慧老人云悟了若不遇人十個有五  
雙杜撰至後決不能爲人你看者兩個老漢的話教  
汝透徹宗猷諳過眼目轉身移步向威音那邊更那  
邊打一遭一切款案自然明白一切差別悉有師承  
自爾許伊開鑿人天抑揚後學不是教汝徒將僻見  
把古人血脈斷肢裂節杜撰扭捏雖縱自己僻見祇

謂之他受用終不謂之自受用又有一等一發可笑  
全不會古人落處學了幾句籠侗語終日芒屨緊峭  
看驗知識某是文字禪某是一概禪撞見一個明眼  
宗匠向他咽喉下一捏者裏便去不得卽將平日聽  
記底便來抵塞殊不知明眼看來真一場笑具悲哉  
恁麼叅學他日黑面老子正打你者個能喝能棒打  
圓相拂袖行底到恁麼時反道佛法無靈驗嗟嗟去  
聖時遙人心不古若是有血氣底者樣殘羹餒飯誓  
不沾唇畢竟要見得真透得徹未得牛時定要覓已  
得了牛必要下果能如是自然終始相貫本末齊收

一切款案無不了了可謂一句通百句千句一時通  
一機透千機百機一時透若決江河沛然莫之能禦  
也山僧恁麼說話總要把彊檝打成一塊血脈疑作  
一團然後誑訛處絕誑訛差別處無差別始稱真正  
獨脫之地你諸人還會麼驀豎拂子云者裏會得纔  
知者些子有如是施爲有如是受用殺活縱擒橫遍  
十方無不是者些子復豎拂子云只如者些子你若  
認着也被拂子穿却不認着也被拂子穿却總不恁  
麼也被拂子穿却總恁麼也被拂子穿却你諸人畢  
竟如何試道看衆無語擲下拂子便歸方丈

示衆

芒屨緊峭到山庭六出飄飄冷脚跟借問君家何所  
思滿頭白髮扣龍門古人立雪齊腰爲求大法山僧  
者裏無禪道佛法可學日用平常更無餘事寒則煨  
品字饑則歛粥羹旣然如是且道波禪冒雪衝寒還  
是爲扶宗教耶周顧人情耶若是人情却同世諦若  
扶宗教又落軌轍去此二途若定當得出便知波禪  
未出雲陽早已眉毛相見其或未然今日與龍門猶  
隔千里在拽杖便行

師豎拂子云諸公今日入山求出世道山僧直下拈

出若會得不消鼻上加繩無勞脚跟繫索諸公因什  
麼又尋枝摘葉納寶言貧只爲不能向雲籠嶽頂處  
打眠霧鎖巖阿裏放足所以父母之傍萬機擾擾妻  
兒之處百念紛紛以至桃園杏圃被他流轉酒肆姪  
坊隨境去就者裏作得主去有何生處可超有何法  
名可安雖然如是諸公畢竟作麼生理會一拂云只  
箇靈符懸肘後劫河生處任浮沉

參禪貴要英靈子一舉話頭心便灰白雲只在嶺頭  
生日月麗天走不止喫白鳩樹頭鳴意在麻畚裏叅  
虛度光陰可歎惜今朝不覺是除夕無端彈落半邊

牙只恐閻家來催逼諸兄弟莫放逸二六時中當警  
策一捱一拶急向前猶如一人萬人敵取得中軍個  
一人自然干戈從此息方是天下太平時何用鍾馗  
貼在壁一聲爆竹頂門開去住縱橫始自適如此不  
負本來人纔許兒孫稱忤逆

風清月白澗響松鳴驀面相逢吾不知其誰家之子  
到恁麼地須是個人方可體會大道若是荒草中跳  
出一個半個未免悚悚惶惶競競業業成個什麼邊  
事若要擔荷大法輔弼宗敎必須脫皮換骨絕後再  
甦此事不在長連牀上不在知識口邊畢竟在甚麼

處以杖打○相云向者裏薦取

今朝六月二十六方丈新成生多福八部龍天擁護  
居我來便登曲築木遂跌座云新方丈已進曲築木  
已登若要聽取新令也須諸人別具眼目復以拄杖  
橫案云隔牆見角隔山見煙知牛識火已遲八刻同  
安者裏不惟勘辯龍蛇并本山二十五代老古錐也  
須當下俯首聽令始不負方伯余翁文宗王翁建立  
方丈的大方手眼顧左右云且道如何是不相辜負  
的意良久擊禪床云一擊虛空轟霹靂銅頭鐵額盡  
攢肩便入寢室

舉黃龍南禪師云有五種不易一化者不易二施者  
不易三生變成熟不易四端座受供不易更有一種  
不易是什麼良久云聾師云同安家風又且不然卽  
有五種不難一化者不難二施者不難三生變成熟  
不難四端座受供不難更有一種不難是什麼良久  
云東寮西寮前寮後寮都是一隊瞌睡漢諸仁者只  
如黃龍道不易同安道不難畢竟論訛在什麼處你  
諸人若檢點得出則黃龍南同安印總在你諸人脚  
跟下若檢點不出也須仔細著拽杖便行  
方丈上梁師以拄杖指梁云者具大材緯地經天遮

龍蓋象孤迥迥能爲萬象之主赤條條堪作衆聖之尊巍巍乎豎窮三際蕩蕩乎橫遍十方高聳青霄頻摩碧漢光吞日月體露真常一道圓明古今烜赫直教千峰齊稽首萬派盡朝宗號令人天匡維佛祖定四海之權衡作諸方之榜樣只如者段境界還是從什麼人所得以杖高拱云恭惟斗所余翁文衡王翁二大護法捐俸於同安祖庭修建鳳棲方丈卜取今辰上樑獻彩諸仁者且道人天濟濟法樂闐闐上樑句子作麼宣說遂擊樑云一齊著力撐霄漢萬古輝煌振大都

爲燕京慈雲寺大悲閣上梁師以拄杖指梁云者具良材還須大用建法幢爲梁棟勢接雲霄招賢聖貯象龍光騰日月縱橫自在耀古騰今至貴至尊爲祥爲瑞恭惟闔京宰官居士暨住持容輝禪師等卜取吉日良辰請山僧舉揚上梁一案且道山僧到來有何三昧遂進前擊梁云高陞雲漢垂千古永祝吾皇億萬年

茶話

昨日晉公來書中有灰心魯直燒灰公案越山今晚特特舉似要你諸人塞灰心口出山谷氣顧衆云有

冥遊  
麼僧作禮云請和尚舉師舉畢僧一喝便行師把住  
云不許喝畢竟如何相見僧取帽云今夜天寒請和  
尚戴師云不是者般籠侗畢竟還我落處來僧擬議  
師連打云三生六十劫未許夢見在復云新長老黃  
學士是一隊沒面孔漢至今猶未相見在何故者俗  
漢只會吞酒豔飾則纔放下脚跟被者老漢一捏直  
得眼眯眯若論端的未問已前早已相見了也既問  
之後轉沒交涉當時山僧若在傍即時扭下禪牀劈  
面一摑管取個老漢退步有分山僧恁麼道你諸人  
還知落處也未衆無語師云也是勾闌裏泥丸

拈龍門請書云者是第三回催符子越山者裏不敢  
囊藏要與諸人共知共見辭不獲已大似生按牛頭  
試問諸人還是允許不允許者裏親疎得相應方可  
推倒山門扶起露柱不然山僧斷案去也一卓云秋  
風橋下露花月柳標堂中驗作家

蒼松鶴點色象分明收不盡綠野祥雲話難窮天然  
真趣諸仁者旣然如是且道還有能窮其話也無覺  
真斗公落髮此地請白雲天衢和尚弘宣戒律末後  
以衣鉢付囑云龍門祖席馬祖開山非草莽之地將  
來必有真善知識踞此說法汝當守護如護自心切

勿狼籍也公承諦囑徧歷諸方叅罷歸山數十餘年  
其中風波險難甘苦挫磨不可計算如生鐵槩相似  
搖撥不動蓋謂祖庭是重不忘衢翁末後之囑所以  
不敢移易其志也癸巳年間聞山僧開法越山公領  
衆房頭三上越頂迎請山僧主持此席公卽退居永  
寧與鹿豕共住可謂善繼人之志善述人之事者也  
今值公七旬入山設供山僧亦不免爲伊圖空寫月  
饒舌一上偈曰滿頭白雪垂肩覆一道青眉夾眼飛  
七十從心理事化今朝舉示大家知

法聖印禪師語錄卷第五

法聖印禪師語錄卷第六

嗣法門人性圓旋璣旋哲旋賢等編次

法語

囑生一禪人住靜厭喧避靜太華未足爲儔躲市逃  
林崑崙到此難比此一座山裹包宇宙青翠古今煙  
雲罩不住雨露不能侵到此之際果能直下承當嗟  
峨峽岬始許四面不通風嶽岫層巒方得兩輪不能  
照到恁麼地纓頭邊刻去無不是清風沒底籃盛來  
都總皆明月所以僧問雲居僧家什麼事雲居回他  
一個居山好者老總不出此意今獅子巖前生一靜

主將一幅沒點畫的莢藤斬山僧與他一個居山好  
山僧素識此公閒挑苦菜饑煮雲羹溪溪藏巖谷潛伏  
幽林故茲將雲居的公案通一偈以囑之

嶮岨嵯峨幾十秋逃林避市許君遊雲居留得居山  
好寄與生公一饜頭

示續生禪人出家大道說一徧住菴要住溪山院珍  
重切莫錯用心行住坐臥無致倦無位真人在其中  
明人有眼也難見喫飯穿衣不相離今古從來無改  
變六根門頭總是渠聖與凡夫俱一串祇緣分段有  
參差象罔所以通一線德山棒斷野狐魂臨濟喝破

虛空面青山綠水祖師心蜂房蟻穴空王殿門外時  
傾萬斛珠信手拈來甚相便若能撥轉目前機方爲  
石頭親法眷明明吐露不隱藏孰肯當陽去相薦會  
得春秋接續生牢關始許君家占

示慈悟禪人居山夫居山者衲僧得力事也如雲棲  
壑似鳥休林各有天然之妙勉強不得假借不得所  
以古人云一池荷葉衣無盡數樹松花食有餘剛被  
世人知住處又移茅屋入溪居且道什麼人證得慈  
悟禪人一日入室求示山僧問曰正睡著時還作得  
主麼伊云一念不生全體現長伸兩腳到天明山僧

禪題  
百集百禪師語錄卷之五  
三  
曰者個消息那裏得來伊云說破傍人笑卽此二語  
可爲瞻老本錢只要說行俱到耳若使出世人天未  
免畏影走日所以山僧囑云獨自居山好

示素菴維那佛祖慧命重越丘山不是其人難堪委  
授最初必要尋師訪友歷盡辛酸念念只妨已躬大  
事不明只將曠劫以來愛根種子習氣無明掃除清  
淨影也沒些自然祖師關候子一朝打破師資酬唱  
鍼芥投機如電若雷天下人莫能掩其耳目也素菴  
維那遍叅後特來祖庭共住喜其數載內外辛勤  
且入室機緣超脫大有法門氣概儻得猛力加鞭則

佛祖慧命亦可相續矣囑囑

示微密值歲數十年來山水藝一朝喪却同安隊與  
崇祖席念頭真陸水劬勞無怨戾拖泥帶水作常行  
運瓦搬磚爲日伎纔涉江兮又涉湖溪則礪兮淺則  
揭有時衝寒冒暑來有時戴月披星去個般心力爲  
誰忙無非欲了死生計禪人欲脫死生關就中便是  
無生地識得竹篋無觸背了得凡情卽聖諦山花簇  
簇燦心宗百鳥喈喈宣妙偈吾人動靜與行藏盡合  
祖師西來意

付慈耶上座上座楚中人也秉我顓先師戒法嗣後

徧歷諸方熟精名相歸住邵陵演妙法音衆皆稱服  
值下未謁雲居先師塔頭先過同安祖席與山僧相  
見揭其所證於本分事猶在依稀恍佛間不能出脫  
窠臼故於己酉冬重來同安向如來藏裏著意捺尋  
不知者一著子三乘十二分教也註破不得忽於禪  
堂裏法座傍呵呵大笑云禪也教也諸佛不會悟衆  
生不曾迷從來蜜甜漿苦鴿白鳥玄風不待月而涼  
火不待日而熱一一現成頭頭顯露山僧知上座得  
此消息特將先老人傳來的破油靴向人天衆前踢  
出與上座作個毘盧帽戴向華王座上拈槌豎拂撒

土揚沙令彼一切聖凡分疎不下此時正好向同安  
院裏噓一噓充滿法界逼塞虛空方不負同安之囑  
先師施戒之恩也偈曰佛祖傳來非法法付君持去  
法非非一時非法傳天下始見同安共傘居

示雪忍副寺雪忍大德真實行人祝髮於清遠禪師  
受具於山僧座下曾在龍門職諸副寺服勞奉養役  
重任麤及乎山僧開法同安亦復如前行徑先走武  
昌倩鑄洪鐘次入豫章募化大鍋種種所作皆屬最  
勝行門盡成不朽佛事卽此可謂祖庭中有力人也  
山僧今欲北行爲送斗所余公深塋並掃笑巖祖塔

無堪遺囑但望二六時中名自名心自心無起無倒  
不變不遷到老還須者個話語提挈一番則生死關  
頭更有一種奇特受用者個受用總要一切處多爲  
忍耐久熟自成何故煩惱來生死來也用自心忍耐  
佛祖來魔王來也用自心忍耐如是種種忍耐直忍  
得一些影子也沒有方得天堂地獄人道鬼途四樂  
八苦一齊銷殞到與麼地不異二祖立雪安心覓也  
覓不得自然得大解脫此時正好衣鉢隨身應受人  
天供養問著掀起兩莖眉便道我與諸佛一數  
示天穎悅衆叅學人須具眼怕殺殷勤切勿懶散泥

裏去水裏去生鐵秤錘被虫蛀朝也行暮也行巖前  
石虎著人驚直饒高揖釋迦不拜彌勒拘卻德山棒  
掩住臨濟喝旃檀棗中不得住脚荆棘林裏撩起便  
行把太虛空捏搦成團將須彌山一擊粉碎驚不瞬  
目喚不回頭方與此事少分相應然雖如是必要舉  
一明三目機鉢兩能於亂草堆頭撥得金鍼河沙數  
內尋得玉屑豎去橫來無有絲毫擬議具如是手段  
方可撐我臨濟門庭天穎悅衆遊徧諸方踏翻海嶽  
來我同安禪堂安居一載見氣志超羣可爲法器山  
僧特書此卷以證將來儻子直下承當一肩擔荷則

我拿居門下又有一遮風抵雨的漢子賣弄天下人去在

示善揆副寺未會佛法通身是膽會得佛法氣息全無會與不會總是衲僧家一場敗缺善揆副寺於祖庭有年服勞無限每每冒雨衝風奔南走北佛法二字拋在九霄雲外怕殺商量何故聾花從春裏發草向暮間生長的任他長短的任他短大則塞乎天地之間小則逼於身心之內寒時寒殺閻黎熱時熱殺閻黎毀也毀不得譽也譽不得若有一點造作安排便是蛇吞鼈鼻虎嚙大蟲古云絲毫繫念二途業因

警爾情生萬劫羈鎖山僧恁麼告報不知又作麼生若作玄妙會去且喜沒交涉若作平常會去喫棒有分直饒坐在無事甲裏未免沉沒溪坑要於此中得個出身路徑許伊向毘盧頂上撒扃紅塵堆裏垂手且道是什麼作略獅子舌尖流出月象王口裏放來雲

示一念副寺禪人親近山僧出力修造祖庭晝夜不辭勞苦水陸並行燥溼皆到此中實是真如妙道無上菩提知子二六時中承當有分若于此中起心動念將謂別有工夫早是節外生枝懸空釘橛了也雖

然如是要是個離鉤脫網的漢子乃可一念萬年  
不念生灰涅槃惟念種田博飯不念超佛越祖惟念  
塞壑填溝不念文字語言惟念勤行苦行不念倉裏  
積穀園內灌蔬只求大衆安祥絕無做嘴打面便爲  
慶快者個境界要是過量人不是至親切忌草草  
示石香悅衆向上一著父子不傳要在透頂透底脫  
卸羅籠自力承當毫無隔越方許向萬里無寸草處  
插足目前無閣黎處藏身有佛處不得住無佛處急  
走過不被佛祖羅籠人天揀擇到與麼地自有人請  
你著破爛衫舞三台上冠冕祖父門庭喚諸佛菩薩

作奴兒婢子去在勉之勉之

示石雲悅衆住山臨濟門庭壁立萬仞須是勇猛丈夫  
許他攀躋設使精神稍倦色力不加未免墮谿落  
澗終難造極登峰假如疑神定志踴躍一番脫却婆  
娑衫子穿著無底芒屨仗清風而作翅借明月以爲  
依自然一舉到頂絕沒絲毫阻滯當此之時千山俯  
伏萬水洄旋四海鳳龍九州獅象悉屬家奴飛禽走  
獸魚鼈鼉鼉總爲擁護到恁麼地正好持鈿斧子砍  
曹山樹提折腳鐺煮雲蒸飯此中一段真實受用子  
亦不可不知耳

示宗旭副寺離心意識叅絕凡聖路學叅須真叅悟  
須實悟真叅實悟之人爲法忘身臨大事而有以擇  
臨大難而不可奪所以楊岐百世傳聞神鼎千秋不  
昧皆是真叅實悟之模範也如宗旭禪人爲同安副  
寺數載殷勤雖不及古人亦可謂真實之人也今山  
僧北行有末後示訓之語爲你將來作叢林之輔佐  
示曰離心意識叅絕凡聖路學未出母胎時早已名  
大覺灼然恁麼會仍歸有卜度一涉於絲微垂手無  
所托汝問事如何釋迦也難捉也難捉二間茅屋不  
可居九路僧房非著落

囑巖碧知浴頭目髓腦身外物花香鳥語案中人若  
能會得三玄旨正偏坐斷絕疎親所以道語帶玄而  
無路舌頭談而不談昔日山僧在越山頂上每日空  
手把鋤頭得一大受用事三十年來未曾舉著今朝  
巖碧知浴亦是其人不妨爲伊點出昔年典座今知  
浴一度恩兮一度讐是釜是瓶都帶累端端的有  
來由

示勉習禪人快勉旃快勉旃時時當習釋迦言雖然  
佛法無多子也要真經有一篇敏矣叅禪還習教殷  
勤習教更叅禪三乘法內堪知委十二部中頗貫穿

免子獲來終棄陷魚兒歸去自忘筌不因今日愚癡  
漢那識當年大覺僊風過喬松言外意雲藏古洞句  
中玄菩提莫謂因人學應解菩提本自圓

示盞飯一信禪人寒暑無迴避春秋日往來二時家  
常辦缺一不成才雖然如是粒粒不嚙著一信禪人  
可謂飯中無布鉢孟斷柄山僧不得辜負於你你亦  
不得辜負山僧偈曰冒雨衝風不記年肩挑日月每  
盤旋有時踏斷芒屨後始信功圓別有天

示純慈鐘頭純鋼鑄就生鐵打成一片慈心古今無  
對禪人自入同安以來數年間妄緣俱削佛法潛滋  
歲月勤勞寒暄不懼唯知日背楞嚴妙法夜扣幽冥  
洪鐘自以精進爲基直造純清絕點如日照世如月  
照夜孤迴迴赤灑灑絕承當沒可把五陰六入十二  
處十八界二十五有圓通更須彌報如來慈益精進  
方不負出家一番也珍重珍重

囑慧力性侍者達磨老祖荷西天佛祖心印特來東  
土建立宗猷蓋因此土多有大乘法器故耳祖初遇  
梁王王不契入魏地少林面壁九載偶有斷臂二祖  
始得其傳故非法器不傳也嗣後至六祖而分爲兩  
枝一青原一南嶽嶽得馬祖祖得百丈丈得黃檗原

得石頭頭得藥山山得雲巖此二派之下又分爲五宗五宗之上諸大老又豈非法器也山僧承臨濟三十一世望初祖四十一傳雖不敢言其法器而承上接下之系又豈外也慧侍者於同安室中左右有年辛亥春同二三子侍山僧北上掃笑祖塔是冬結制清化此子於般若堂中得個入處可爲宗門法器將來與從上諸祖眉毛撕結未可期也山僧豈不厚望也耶子當珍重

示見誠總戎劉居士余丁酉出山訪博菴黎居士掛錫於清虛禪院時有諸公入院問道昨見誠劉公有

辨道氣象和尚作麼生起發山僧問他曾飯依什麼人來彼對言昔年曾飯依於白嶽法師山僧問他白嶽法師曾說個甚麼彼曰叫某甲持經念佛山僧詰曰作麼生持念了得伊生歿去彼久坐作禮求示山僧曰今日不暇明日來爲伊說彼辭去次日復來昨蒙和尚許某甲話山僧曰不知許個什麼話彼曰如何了得生歿山僧言若要說個了生歿的話祇怕伊信不及若信得及山僧祇得忍著牙疼按下雲頭去也若論此事如射箭相似必定心正弓滿然後中鵠儻心不正弓不滿總有畫布棲皮十發九失又在臨

發之時凝睛端手把者個紅心看得端端的的自然  
一箭無不了當然此時方識盡大地是一個紅心盡  
大地是一隻箭盡大地是居士全身盡大地是居士  
法身有何生可縛何歿可纏所以古人道我有一隻  
箭從來不假煉射去滿十方落處無人見伊既諦信  
此事要把生歿於二六時中時時提起刻刻參詳勿  
生懈怠如救頭然如是做去自有個撞著的時節方  
識得落處無人見的消息纔稱得勇猛丈夫不辜父  
母恩德不負明師皈依亦不負山僧今日之啓示伊  
當勉之彼聞通身汗垂作禮辭去諸公以爲何如

示未明黃文學道義之交非信不能全終始窮道之  
路非功不能達本源故學道之士必先立其信樹其  
功然後路可窮而道可達交可孚而義可全始繼物  
我一如彼此無異居安資淡左右逢源矣居士既留  
心此事但令自疑自悟自證自明向無下手處下手  
無著眼處著眼自然頓破疑團豁開心眼洞見十方  
事事無礙方識得杏壇三千總是一個靈山十萬絕  
無兩人始不負古聖之垂言山僧之舉示居士當自  
強之

示祝男道俗程居士至誠之道智者不增愚者不減

標述  
如太虛空若當天日浩浩肫肫寂然不動無你用心  
處無你體會處一起用心體會雲籠皎月霧鎖蒼山  
正所謂擬涉唇吻卽犯鋒鏑也然靈源之體本自天  
然無容雕琢近有一等人雖行之而不能著習矣而  
不能察祇將本子上奏合些須口頭邊撈捩幾句問  
他一個實落處如作文成詩一般摸索將來弄兩句  
合頭語在人前稱個強手當作他一個落處有何交  
涉如是行履欲得大法無有是處必須把他家糟粕  
洗得潔潔白白向寒巖深窟之下月冷藤蘿之前任  
他鹿鳴猿啼鳥語花開耳不聞眼不見如枯木灰

相似到冷冰冰地將者個無相的影子疑來疑去疑  
到山窮水盡轉不得氣時一覷覷破然後紙上文章  
口邊言語全無用處方知實際理地不立一塵今世  
門頭不舍一法然後待父母共妻兒以至迎賓送客  
喫飯穿衣一切動用中表裏精麤與至道符合到恁  
麼地無明妄想皆是大用大機市井山林悉可放身  
放命道俗宜深究之

囑御六張居士若論此事本來現成說個提持早已  
埋沒了也那堪東語西話牽扯葛藤只貴自己用心  
真切悟處自然透頂透底昔山谷居士參晦堂和尚

一擲遊  
因聞木樨花香打失鼻孔後于黔南道上始知大善  
知識老婆心切恩踰父母此是千古之下富貴不能  
籠罩一個參禪的樣子御六居士信向此事殊爲真  
切自來同安茶裏飯裏未嘗斯須忘卻遂於本叅話  
頭上得個下落每於入室當機莫不清楚不惟有龐  
老之遺風亦且有超方之作用是以臨別求索一言  
故山僧援筆書此直教與山谷居士同一聲名庶不  
負居士一番用心也囑囑

囑公玉趙居士世尊於人天會上將正法眼藏涅槃  
妙心付囑摩訶迦葉迦葉得之稱尊道貴惹得西天

四七東土二三南嶽青原石頭馬祖降旗大展露布  
高懸四海魚龍望風歸向不期至臨濟被三聖向瞎  
驢邊滅却自此人人拍掌個個攢肩手眼通身救之  
不暇直待笑巖門下憨山師翁曲垂方便時抑時揚  
向多處添些子少處減些子猶且無人承當末後得  
我顛愚先師赤身擔荷將金剛圈栗棘蓬向人天衆  
前一齊拋出是以山僧因斯帶累三十年來覓一個  
俗漢了不可得今日都內撞著個趙大郎與山僧肩  
毛撕結聲氣相求左右逢源羅籠不住特以從上不  
了因緣遂付之偈曰從來佛法無多子只要當人認

得真半月松梢君自掛何煩祖令不重新

示凌子吳居士向上一著千聖不傳貴乎直下承當  
不容絲毫擬議果能如是則有爲法無爲法觀體全  
彰如來禪祖師禪一齊透過雲門乾屎橛拈向一邊  
洞山麻三斤了無交涉白雲流水總是同叅翠竹黃  
花無非伴侶到與麼地隨方灑落在處逍遙任卷任  
舒無拘無束或向柳巷花街歌風嘯月或從水邊林  
下撫几揮琴或與朝堂卿相議政談仁或同里巷高  
賢賡詩獻賦動靜閒忙語默居止莫不是自己常情  
獨露大用現前不費絲毫勉強自然與佛祖同機聖

賢合轍其或不爾正好向毘盧頂上未生已前週匝  
一回方可頂門具眼腦後見腮眼裏聞聲耳中見色  
無方無向別行一路去也今有凌子吳居士江西浮  
梁人早入儒門深遊聖學視五湖歸一握指大地爲  
一心昨于都城慈雲得接山僧更增信向一日焚香  
皈依欲乞山僧一語以決生平大事山僧無可爲言  
特援筆書此以證將來之望耳

示世勲龔居士本來妙體洞澈圓明不涉功勲豈通  
凡聖兩儀未判之前毫無欠缺一氣纔分之後點沒  
加添明明天地中隱隱乾坤內非人非境非物非心

撰述  
能變能遷能收能放有時高高峰頂立有時淡淡海  
底行有時鍼鋒上走馬有時芥孔裏藏身有時通身  
無影像有時徧界露全軀觀之卽色聽之卽聲嗅之  
卽香嘗之卽味觸之卽覺思之卽明若向眼耳鼻舌  
身意上求之依舊識他不得古德云吾有一物上拄  
天下拄地常在動用中動用中收不得是以山僧今  
日特爲舉似龔居士不妨閒空時用心斟究看他是  
青是白是綠是黃審得停當那時將佛祖聖賢一串  
穿却更可與我臨濟門下作個護法的樣子勉之勉  
之

囑余門張氏夫人夫道之一字難言也明明日用中  
展轉收不得了了六根門出入見不得隱隱乾坤內  
上下覓不得昭昭今古間去取劃不得是得也非得  
也非得之得是名實得天地得之不以爲大螻蟻得  
之不以爲小日月得之不以爲明山川得之不以爲  
久羽毛賴以飛翥鱗足賴以遊行有形之物藉以爲  
體無形之物恃以爲靈在聖不增在凡不減人人本  
具個個不無奈因自己志性偏枯妄生執著却被無  
明煩惱人我貢高使得七顛八倒以致苦海波中頭  
出頭沒勞我天覺金仙離兜率入皇宮登雪山陞寶

座說法四十九年談經三百餘會費盡多少機關豈  
知一點也用不得須知此事要在截斷凡情不通聖  
解搏熱火燧如案上冰輪步太阿鋒似街前坦道所  
以各各當人于一切處得大自在得大受用得大解  
脫得大安樂到與麼地于其中間覓生亦不可得覓  
死亦不可得覓染亦不可得覓淨亦不可得覓名亦  
不可得覓號亦不可得覓四大五蘊世出世間一切  
法亦不可得此不可得亦不可得譬爲虛空體非諸  
相不拒諸相發揮一莖艸作丈六金身將丈六金身  
作一莖艸七縱八橫千變萬化左之右之無施不可

豈不光明俊偉者哉斗所余護法昔任江西藩司信  
向法門捐脩祖刹於山僧處得明已躬大事今其夫  
人張氏亦留心此道求决生歿工夫山僧亦爲開導  
授以本叅話頭不久之間得個下落故山僧不敢負  
其來機仍書此卷法名旋徹以作千秋之懸記佛祖  
之道源也珍重

法璽印禪師語錄卷第六



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

法苑珠林卷第六

三十五

去靈明輒相詰難卷第六

解得熱火燄如案上水輪者是阿羅漢街前也

以各各當人于一處處得大自在得大受用得大

之巖感也愈重 與度地于其中間覓生亦不可


其來難以書也卷去各致辯以我于輝之觀暗

對以本然語應不入之間靜固不替姑山曾不嫌貧

人張丸亦留心此巖來央主心工夫山曾亦為開導

向去門許俞脈條於山曾靈靜即与浪大專令其夫

豈不光明對翰香姑平也余觀志昔丑工西



ス十三